



Sveio kommune



ÅRSBUDSJETT 2021 – DRIFT OG INVESTERING ØKONOMIPLAN 2021 – 2024

Kommunestyrets vedtak

NB! Tekst ikke endra frå rådmannens forslag





RÅDMANNEN SITT FØREORD	3
DRIFTSBUDSJETTET	6
INVESTERINGAR.....	9
ORGANISASJONSKART	12
KOMMENTARAR FRÅ ORGANISASJONEN.....	13
RAMMEOMRÅDE BARNEHAGE	14
RAMMEOMRÅDE SKULE	17
RAMMEOMRÅDET HELSE OG OMSORG.....	20
HELSE OG REHABILITERING	21
BARNEVERN	24
PLEIE- OG OMSORG.....	25
HABILITERING	27
NAV MED FLYKTNINGAVDELING	29
RAMMEOMRÅDE KULTUR.....	31
RAMMEOMRÅDE TEKNISK/NÆRING	34
RAMMEOMRÅDE VATN, AVLØP OG RENOVASJON (VAR)	36
RAMMEOMRÅDE POLITISK.....	37
RAMMEOMRÅDE SENTRALADMINISTRASJON	38
SVEIO KYRKJELEGE FELLESRÅD.....	42
NØKKELTAL	44
FORDELING MELLOM RAMMEOMRÅDA.....	46
FINANS	59
ØKONOMIPLAN 2021-2024 – DRIFT.....	63
BUDSJETTSKJEMA DRIFT	63
INNTEKTER	65
UTGIFTER	66
VURDERING.....	66
ØKONOMIPLAN 2021 - 2024 – INVESTERING	67
BUDSJETTSKJEMA INVESTERING	67
VEDLEGG	70



Rådmannen sitt føreord

Rådmannen legg med dette fram sitt framlegg til årsbudsjett for 2021 og økonomiplan for perioden 2021-2024. Budsjettframlegget byggjer på det opphavelege budsjettet for 2020.

Då Noreg stengde ned samfunnet for å handtera Covid 19-pandemien 12. mars 2020, blei kommunane møtte med utfordringar dei aldri tidlegare hadde opplevd i fredstid. Sveio måtte, til liks med andre kommunar, leggja om arbeidsmåtane for å sikra at grunnleggjande velferdstenester framleis blei utførte. Det er grunn til å gje ros til medarbeidarane i kommunen for måten dei møtte utfordringane på. Mange medarbeidarar fekk nye arbeidsoppgåver. Andre medarbeidarar måtte løysa arbeidsoppgåvene ved hjelp av nye metodar, mellom anna på digitale plattformer. Rådmannen opplevde at det var svært positiv vilje til å gjera det som var naudsynt for å gje gode tenester til sveibuen i ein svært krevjande situasjon.

I skrivande stund veit vi at også 2021 vil bli svært prega av Covid 19. Det har vore gjeve ulike prognosar med omsyn til kor raskt ein kan rekna med at ein godkjend vaksine vil vera tilgjengeleg. Leiaren i EU-kommisjonen, Ursula von der Leyen, sa i slutten av oktober at det er realistisk å vona at ein vaksine vil vera tilgjengeleg i april 2021, og at ein vil ha kapasitet til å produsera om lag 50 millionar dosar i månaden. Det bur til saman om lag 530 millionar menneske i EØS-landa, Storbritannia og Sveits, så heile 2021 vil gå med før ein nærmar seg ei gjennomføring av ein massevaksinasjon av menneska i verdsdelen. Sveio kommune må med andre ord truleg halda fram med å driva verksemda med alternative løysingar på mange tenesteområde gjennom heile det komande kalenderåret.

Trass i at Stortinget har vedteke ei rekkje krisepakkar gjennom heile 2020, har Covid 19 truleg hatt negativ innverknad på kommuneøkonomien i heile landet. Når det private næringslivet slit og mange blir permitterte elle misser jobben, blir skatteinntektene lågare. Dette skjer samstundes som kommunane får nye utgifter knytt til pandemien. Resultatet blir at det økonomiske handlingsrommet blir mindre.

Utfordringane som følger av Covid 19 kjem i tillegg til utfordringane vi lenge har visst ville koma. Som rådmannen peika på i førre framlegg til budsjett og økonomiplan, varsla Regjeringa alt i 2017 at vi som samfunn vil få strammare økonomiske rammer og mindre handlingsrom i åra som kjem. Etter dette har vi alt sett at dei demografiske endringane har kome raskare enn vi tidlegare har trudd. Mellom anna har arbeidsinnvandringa frå EØS-området blitt kraftig redusert, noko som igjen har ført til rekordlåg vekst i folketallet i Noreg. Regjeringa har varsla at det vil bli lagt fram ny perspektivmelding tidleg i 2021, og denne vil gje viktige føringar for korleis vi kan sjå føre oss utviklinga i den norske velferdsstaten i åra som kjem.

Sveio kommune nærmar seg no ein situasjon der bufferen i budsjettet er brukt opp. Det fører til at vi har stadig aukande risiko for å få negativt rekneskapsresultat. Får vi fleire år med negativt resultat, vil vi måtte tæra endå meir på disposisjonsfondet, og vi blir endå meir sårbare. Ei slik utvikling er ikkje forsvarleg. Driftsnivået er eigentleg for høgt alt i dag. Sagt med andre ord har vi ikkje råd til det vi trur



vi har råd til. Det blir difor viktig å snu denne utviklinga, slik at vi får ein sunn økonomi med tilstrekkeleg stor buffer til å tola ekstraordinære utgifter eller reduserte inntekter.

Det vil alltid vera krevjande å få ned driftsnivået i kommunen. Alle utgiftspostar har som regel ei god grunngjeving. Difor må vi vera ekstra varsame med å leggja inn nye tiltak i budsjettet som bind opp drifta endå meir. Det er og viktig å hugsa at større volum ikkje er det same som betre kvalitet. Effektiv drift med god kostnadskontroll er oftast eit godt utgangspunkt om vi ønskjer å levera tenester av høg kvalitet.

Omsorgstenestene vil oppleva press i norske kommunar som eit resultat av dei demografiske endringane. Vi må planleggja for dette no. I 2021 legg vi opp til å ha 33 plassar ved Sveio Omsorgssenter. Dette talet blir vurdert som forsvarleg ut ifrå det behovet som finst for heildøgns institusjonsplassar i kommunen. Talet på bebuarar vil variera gjennom året, og det må vera funksjonsnivået til den enskilde personen som må avgjera om han eller ho skal få tildelt plass ved omsorgssenteret. Det kan altså vera periodar der talet på bebuarar er lågare enn 33 og periodar kor talet på bebuarar er høgare enn 33, sjølv om tenesta er dimensjonert for dette talet.

Sveio kommune vil ha ein grundig gjennomgang av nivået på omsorgstenestene både i institusjon og i heimebastert omsorg. Vi vil søkja ekstern hjelp i dette arbeidet. Sveio vil, som alle andre kommunar, vera avhengig av at fleire kan bu i eigen bustad lengre i åra som kjem. Då vil etablering både av fleire bustader med livsløpsstandard og bustader med heildøgns omsorg vera viktige tiltak.

Det er sett i gang arbeid med ein ny skulebruksplan for kommunen. Planen vil bli lagt fram for politisk handsaming i 2021. Rådmannen ser det som viktig at skulebruksplanen ikkje berre skal ha fokus på økonomiske innsparinger ved ein eventuell reduksjon av talet på skular i kommunen. Skulebruksplanen bør gje eit svar på korleis vi kan gje eit best mogeleg pedagogisk tilbod innanfor dei økonomiske rammene vi har til rådvelde og med dei demografiske endringane vi ser vil koma.

Kulturavdelinga i Sveio kommune har pressa kapasitet i 2021 på grunn av tunge utgreiingsoppgåver knytt til planlegging av ny idrettshall og nytt badeanlegg. For å letta situasjonen litt, vil rådmannen leggja opp til at planleggingsarbeidet blir kostnadsført på desse prosjekta i investeringsbudsjettet.

I 2021 vil kommunen og måtta nytta mykje kapasitet på store planprosessar. Dette gjeld særleg ferdigstilling av sentrumsplanen og kommuneplanen sin arealdel. Reguleringsplanen for nytt idretts- og badeanlegg vil vonleg vera ferdig til sommaren 2021.

I andre del av 2021 vil vi truleg kunna byrja å selja tomter i bustadfeltet «Sveioåsen 3». Dette er svært positivt. Auken i folketallet er redusert dei seinare åra, og nye tilgjengelege tomter kan vera med på å snu denne utviklinga. Dette er og eit svært viktig verkemiddel for å byggja ein sunn kommuneøkonomi over tid.

Året 2020 har vore krevjande. Året 2021 vil bli utfordrande. Det same vil gjelda for dei neste åra. Sveio kommune skal halda fram med å levera gode tenester til sveibuar i alle aldrar. Då må vi vera budde på endring. Vi må finna nye arbeidsmåtar. Vi må setja tæring etter næring. Vi må nytta moderne digitale løysingar, ikkje berre for å bli meir effektive, men for å gje moderne tenester til moderne



menneske. Då er vi og ein attraktiv kommune. I eit land og ein region med stadig lågare vekst blir kampen om nye ibuarar stadig hardare. Sveio må vinna den kampen. Då har vi vilje til vekst og er ein god stad å leva.

«Om du har eit eple og eg har eit eple og vi byter, har vi både framleis eitt eple. Men om du har ein idé og eg har ein idé og vi byter, vil vi både ha to idear». (George Bernard Shaw)



Driftsbudsjettet

Rammene til einingane i Sveio kommune som vart vedtekne av kommunestyret i juni inneber ein generell auke til alle rammeområda med 1,5 % for løns- og prisvekst (deflator). Den kommunale deflatoren frå 2020 til 2021 blir i følgje statsbudsjettet på 2,7 %. Dei einskilde rammeområda blir i liten grad påverka av denne «underkompensasjonen», då dette ikkje gjer vesentleg avvik frå deflatoren over tid. Frå 2019 til 2020 blei det lagt til grunn ein deflator på 3,0 %, medan den no er berekna til 1,6 %. Rådmannen foreslår ikkje å endra den generelle auken i rammene. Det er heller ikkje lagt opp til ein generell rammeauke med bakgrunn i venta vekst i tal ibuarar. Det er gjort ein målretta styrking i ein del rammer. Dette kommenterast nærmere under.

Driftsbudsjettet til dei ulike einingane i kommunen opplevast generelt sett som strame. På ein del områder er det kome signaler om at budsjetta kan vera svært krevjande å halde. Det er ikkje tatt omsyn til ekstrautgifter i samband med den pågående korona-pandemien i budsjettet for 2021. Signalene fra regjeringa er at eventuelle meirutgifter vil bli dekkja utanfor inntektssystemet. Eventuelle meirutgifter for Sveio kommune vil då vera å rekna som forskotering og ikkje kommunale kostnadar. Driftskostnadene til eit komande badeanlegg i kommunen er ikkje lagt inn i driftsbudsjettet i økonomiplanen. Eventuelle finansieringskostnadene utover løyvd investeringsramme er heller ikkje lagt inn i økonomiplanen.

Nedanfor kommenterast dei vesentlegaste rammeendringane frå vedtaket i juni, samt andre forhold ved dei einskilde rammeområda.

Politisk

Ramma er auka med kr 320 000,- i 2021 grunna val og auka tilskot til Samarbeidsrådet på om lag kr 35 000,-.

Sentraladministrasjon

Ramma til området er ikkje endra i forhold til rammesaka i juni. Området vil spara om lag kr 350 000,- på grunn av heilårsverknad av overføring av skatteoppkrevjaroppgåvene til skatteetaten. Området vil få auke kostnadene til personvernombod (20 % stilling) og kostnadene til lisensar til dataprogram. Auken i lisensar følgjer i stor grad av auka digitalisering på ulike områder i kommunen. (Visma - automatisering økonomi, løn, personal, IKT) Dette vil på sikt gjera det mogleg å spare utgifter eller auka tenesteproduksjonen utan tilsvarande auke i kostnadene.

I løpet av året vil det bli vurdert å bli med i Digi Vestland, som arbeidar med digitale løysingar for kommunesektoren. Slik deltaking vil truleg føra til om lag kr 200 000,- i auka kostnadene.



Oppvekst skule

Ramma er auka med kr 400 000,- til digitale verktøy for elevane (datamaskinar og Chromebook), for å kunne fortsette satsinga på digitalisering i skulen. Det er planlagd med netto bruk av fond på området på om lag kr 900 000,- i 2021.

Tekniske tenester

Rammeområdet er auka med kr 350 000,- frå rammene i juni. Dette går til å redusera planlagd bruk av sjølvkostfond på oppmåling, då det ikkje er eit fond å belasta. Vestland fylkeskommune har gitt Sveio kommune tilbod om å vera med på eit spleiselag for vassområdekoordinator. Sidan tilboden kom seint så er det ikkje lagt inn i budsjettet for 2021, det må vurderast til neste budsjett. Kostnaden for Sveio er rekna til om lag kr 40 000,- i 2022. Siste tal frå HBR tydar på at kostnaden kan bli om lag kr 50 000,- høgare enn lagt inn i budsjettet. Det er lagt inn kr 200 000,- (straum, reinhald mm) i auka driftskostnadar til nyt aktivitetssenter dei tre siste åra i økonomiplanperioden.

Kultur

Ramma er redusert med kr 200 000,- som ein følgje av at tilskot til andre trussamfunn er foreslått tatt over av staten frå 1.1.2021. Dette er det same som den budsjetterte støtta har vore dei seinaste åra. Dei siste fem åra har gjennomsnittleg utbetaling vore kr 300 000,- per år, medan gjennomsnittet siste ti år har vore kr 200 000,-. Det har kome søknad frå Sunnhordlang museum om stønad til rehabilitering og nybygg av museumsbygget. Sveio sin del er rekna til kr 890 000,-. Det er gjeve førebels svar om at søknad kom for seint til budsjethandsaminga 2021. Det kjem eigen sak på dette i 2021.

Kyrkja

Tilskotet til kyrkja er ikkje endra i forhold til rammesaka i juni, kor det blei auka med 1,5 prosent i forhold til 2020. Det er kome innspel frå Fellesrådet på trong for høgare tilskot til kyrkja i økonomiplanperioden. Konkret er det kome ønskje om ei opptrapping av tilskotet med kr 300 000,- i løpet av økonomiplanperioden. Auken skal gå til auke av administrasjonsressursane til kyrkja. Det er gode argument for å auke ressursane, men rådmannen finn ikkje rom for legga inn auka tilskot i planperioden. Det er og kome innspel om dialog rundt finansiering av ein diakonistilling i kommunen. Rådmannen er open for ein diskusjon rundt dette, men ser per i dag ikkje rom for vesentleg kommunal støtte. I følgje KOSTRA nyttar Sveio kommune meir til kyrkja per innbyggjar enn gjennomsnittet av andre kommunar i landet.

Oppvekst barnehage

Ramma er auka med kr 100 000,- i rådmannens forslag til budsjett 2021, grunna overføring av stilling frå rammeområde Habilitering.

Var

Rammeområdet er redusert med kr 260 000,- grunna oppdaterte berekningar.



Finans

Rammeområdet er redusert med kr 5 825 000 i forhold til rammesaka. Kr 5 000 000,- av auken knytast til redusert anslag for pensjonskostnadane. Rester er i all hovudsak knytt til endra anslag for rentekostnadar og renteinntekter.

Helseavdeling med fellesstenester

Ramma er ikkje auka frå rammesaka.

Pleie og omsorg

Ramma er auka med kr 2 800 000 frå juni. Kr 2 500 000,- er knytt til at det over tid har vist seg at den økonomiske ramme til området har vore for låg. Sjølv med denne rammeauken vil området ha for låge rammer i forhold til utgiftene dei seinaste åra. Kr 300 000,- av auken er knytt til eksterne ressursar til å gjennomgå dei ulike områda. I første omgang er det planlagd eit prosjekt knytt til heimetenestene. Ein ynskjer å vurdere etablering av tilrettelagt bufellesskap for eldre i sentrum. Et slikt bufellesskap vil kunne vere eit alternativ for eldre som ynskjer å bu nærmare andre for eit sosialt fellesskap, tilrettelagt for å lettare klare seg sjølv eller eventuelt ta imot kommunale tenester om det er trong for det.

NAV med flykningarbeid

Rammeområde blei redusert med 4 300 000,- i rammesaka. Det var grunngjeve med utsikter til kraftig reduksjon i mottak av flyktningar, og i hovudsak knytt til kostnadene til introduksjonsløn til deltarar i introduksjonsprogrammet. I rådmannen forslag er ramma auke med kr 500 000,- grunna med oppdaterte berekningar. Ramma er ikkje auka etter at kommunen fekk anmodning om å ta i mot seks flyktningar på slutten av 2020.

Barnevern

Rammeområdet er auka med kr 2 000 000,- i rådmannens forslag. Auken er knytt til stor auke i kostnadane til opphold i institusjon og i kommunale og statlege fosterheimar. Auke i tal på omsorgsovertakingar vil og gi auka kostnader for rammeområdet innan oppvekst skule.

Habilitering

Ramma er redusert med kr 100 000 i forhold til ramma i juni. Dette skyldast overføring av stilling frå Habilitering til rammeområde oppvekst barnehage. For ein stor del av kostnadane innafor habilitering er det slik at kommunen må redusera kostnadane sine med 1,0 millionar for å spara 0,2 millionar på rammeområdet. Dette knytt til refusjonsordninga for ressurskrevjande brukarar. Med same driftsnivå som i 2020 vil rammeområde ha utfordringar med å halde dei økonomiske rammene i 2021.

Ryvarden KF

Ryvarden KF har i utgangspunktet ikkje fått endring i ramma ut over tilførte 1,5 % i rammesaka i juni 2020. Dekning av underskot i 2019 på om lag kr 43 000,- er lagt på rammeområde finans.



Investeringar

Investeringar i anleggsmidlar er samla sett i 2021 på rundt 27,15 millionar kroner. Samla investeringar i anleggsmidlar i økonomiplanperioden er på om lag 134,5 millionar kroner. Det er framleis restanse i oppfølginga av allereie vedtekne investeringsprosjekt og det vil også for 2021 være fokus på framdrift i prosjekt. Drift og anlegg har fått auke i bemanning i løpet av 2021.

Utanom prosjekta lista i investeringsoversynet har kommunen fleire større prosjekt som er pågående eller under planlegging. Her kan nemnast bustadområdet Sveioåsen 3 som er under opparbeiding, **aktivitetshus, idrettshall og brannstasjon**.

Badeanlegg

Det er sett av 42,5 millionar kroner inkludert meirverdiavgift til badeanlegg i åra 2016, 2017 og 2018. I tillegg kjem det kommunen kan få dekka gjennom ytterlegare momskompensasjon og spelemiddelordninga (opp mot 27 millionar kroner). Ved bygging av badeanlegg og idrettshall i idrettsparken vil grunnarbeida truleg føra til ein del overskotsmassar. Dette har blitt sett i samanheng med trong for sykkel og gangsti langs Vigdarvatnet. Det vil vera samfunnsøkonomisk lønsamt å nyta massane til dette føremålet. Det er derimot ein utfordring å få Fylkeskommunen til å prioritera prosjektet. Arealet er heller ikkje regulert til dette føremålet i dag. Det kan vera utfordrande å få ein vedteken reguleringsplan i tide til at det ikkje forseinkar bygging av badeanlegg og idrettshall. Dette vil ein vite meir om etter kvart som ein kjem lengre i prosessen.

Aktivitetshus

Det nye aktivitetshuset i kommunen er ferdig planlagd, og eigen sak er til politisk handsaming.

Digitalisering

Etter rådmannens vurdering er det særsviktig at Sveio kommune fortsatt satsar på digitalisering. Dette gjeld både digitalisering av tenester og bruk av effektive IKT-verktøy i arbeidet som gjerast i kommunen. Digitalisering vil gje betre tenester til brukarar og innbyggjarar i kommunen, og legge til rette for meir effektivitet i tenesteproduksjonen. For å kunne ta i bruk ulike digitale løysingar er det viktig at den digitale infrastrukturen i kommunen er dimensjonert for dette. På denne bakgrunn er det lagt opp til eit eige digitaliseringsprosjekt med ei ramme på 0,8 millionar kroner i 2021 og 0,5 millionar kroner kvart år i resten av økonomiplanperioden. Vidare er det lagt opp til å nyta 1,7 millionar til investeringar i digital infrastruktur i 2021, 1,3 millionar kroner i 2022/2023 og 2 millionar i 2024.

Digitalisering gjer moglegheit for effektiv og moderne drift, men førar også med seg nokre utfordringar. Digitalisering kan mellom anna føra til auka risiko for at personopplysningar kjem på avvege. Ein må gjere så godt ein kan for å redusera denne risikoen, men ein kan nok ikkje bli kvitt den heilt.



Kyrkjelege føremål

I rådmannens forslag er det lagt opp til ny minigravar med tilhengar til 0,6 millionar kroner i 2021. Vidare er det lagt opp til utviding av Eikeland kyrkjegard med kr 2,0 millionar kroner i 2020 og 2,5 millionar kroner i 2022. Det ligg også inne 0,2 millionar kroner til rehabilitering av kyrkjebygg kvart år i økonomiplanperioden. Naudsynt rehabilitering og brannsikring av ulike kyrkjebygg prioriterast innafor denne ramma i åra framover. Prosjekt rehabilitering av Førde kyrkje er på det nærmeste ferdig per november 2020.

VAR-investeringar

Det er sett av 6,7 millionar kroner i 2021 til VAR-investeringar. Det er planlagd ei større investering i eit vassbehandlingsanlegg i Furuvatnet i 2020, 2021 og 2022. Det er lagt inn 4,0 millionar kroner i 2021 og 8,0 millionar kroner i 2022. Dette kjem i tillegg til dei 4,3 millionar kronene som er løyvd tidlegare. Dette skal tryggja vassforsyninga i Sveio og vil samstundes kunne vera ei rimelegare løysing enn å kjøpa vatn frå Haugesund som i dag.

I langtidsplanen for 2018 til 2020 er det vist til behov for utbetring av røyrnettet i åra framover. Det er sett av 1,5 millionar kroner til dette i 2020 og for kvart av dei resterande åra i økonomiplanperioden. Ein må vere medveten om at dette årlege behovet nok vil ligge der også i åra etter økonomiplanperioden. Vidare er det lagt inn midlar til å legge vassleidning i sjø til Flatnes. Dette føresette at abonnementane må kopla seg på tilkoplingspunkt.

I tillegg kjem nokre naudsynte investeringar som framkjem i samleoversikt. Investeringar på VAR-området dekkast av brukarbetaling frå abonnentar.

Veg

2,5 millionar kroner er sett av til asfaltering av kommunale vegar i 2021 og kvart av dei komande åra i økonomiplanperioden.

Ny Sveio barnehage

Den nye barnehagen i Sveio sentrum er under planlegging. Planlagd byggestart er i løpet av 2021/2022. Rådmannen har lagt inn ei ramme på 41,6 millionar kroner til prosjektet.

Investeringa er fordelt med 1,0 millionar kroner i 2019, 0,6 millionar kroner i 2020 og 40,0 millionar kroner i 2022.

Denne investeringa må sjåast i samanheng med struktur og driftsformer innan habilitering på kort og lang sikt, og med tanke på venta vekst i tale på tenestemottakarar. Leigekontraktane for Stemmhaugen går ut i 2024 og ei drift der ein i større grad kan få til tettare samarbeid mellom dei ulike tenestene til tenestemottakarane i forhold til vaktordningar med vidare, samstundes som ein varetar den enkelte sine behov for avskjerma og individuelle buformer vil kunne gje auka handlingsrom for tenesta.

Eksisterande Sveio barnehage og bustaden Åsvegen kan om mogleg sjåast på som ei felles tomt for eit slikt føremål.

Gamal del av kommunehuset

Undersøkingar visar at den eldste delen av kommunehuset ikkje er egna som arbeidslokale for tilsette i kommunen. Rådmannen har gjort vurderingar av bygget og moglege løysingar.



Det er lagt inn 1,0 millionar kroner til prosjektet i 2021 og kr 14,1 millionar kroner i 2022. Det er tidlegare løyvd 1,1 millionar kroner til prosjektet. Det vil kome eigen sak på dette prosjektet.

Kommunale veglys og trafikksikring


Det er lagt inn 5,0 millionar kroner til trafikksikring i 2021, i tråd med kommunestyrets tidlegare vedtak. Vidare er det lagt opp til 0,5 millionar kroner til mindre trafikksikringstiltak i 2021 og i resten av planperioden. Det er eit mål at trafikksikring skal redusera utgiftene til skuleskyss ved å redusere fareklasse på skuleveg.

Andre investeringsprosjekt i investeringsbudsjett 2021

I skjema investeringsoversynet til slutt i dokumentet finn ein oversyn over alle planlagde nye investeringar i 2021.



Organisasjonskart





Kommentarar frå organisasjonen





Rammeområde barnehage

Tenester og oppgåver i rammeområde

Kommunane har plikt til å gje alle barn med lovfesta rett og som er busette i Sveio kommune, ein barnehageplass. Sveio kommune har tre kommunale- og fem private barnehagar. Ein av dei kommunale barnehagane er del av eit oppvekstsenter. Samfunnsoppdraget til barnehagane er stort. Barnehagen skal gje barna gode utviklings- og opplæringsmogleheter i nær forståing og samarbeid med heimane, gjennom å ivareta barna sitt behov for omsorg og leik. Barna skal oppleva trygge og inkluderande miljø samstundes som kvart enkelt barn blir sikra heilskapleg utvikling. Barnehagane er ein arena for førebygging og skal tidleg setja i verk tiltak ut i frå kvart barn sitt behov, og er altså ein viktig brikke i å gje barna ein god start i livet.

Kommunen skal som barnehageeigar bidra til at barnehagane driv ei teneste i samsvar med *Lov om barnehagar* og *Forskrift om rammeplan for barnehagens innhold og oppgaver*.

Kommunen har som barnehagemynde ansvar for å bidra med rettleiing og fører mellom anna tilsyn av både kommunale- og private barnehagar. Sveio kommune har eit eige ressursteam med spesialpedagogar og logoped som arbeider førebyggjande med tidleg innsats og gir spesialpedagogisk hjelp etter lovkrava.



All sakshandsaming knytt til kommunalt tilskot til private barnehagar er ei oppgåve for området. Elles er det lagt til området å koordinera lokalt og delta aktivt i ulike regionale samarbeidstiltak som Forum for oppvekst i Sunnhordland, PPT og BTI (Betre tverrfagleg innsats).

Mål

- Skapa eit godt pedagogisk miljø som gir kvart barn gode utviklings- og opplæringsmogleheter i nær forståing og samarbeid med heimen
- Vidareutvikla fokusområda som inngår i Kvalitetsutviklingsplanen for skule og barnehage
 - Kommunikasjon og språk
 - Trygge og inkluderande barnehagemiljø
 - Pedagogisk leiing – barnehagen som lærande organisasjon
- Arbeidsmiljøet skal vera utviklande og godt for dei tilsette.
- Sikra ei tilfredsstillande kompetanseutvikling for personalet gjennom etterutdanning, vidareutdanning og ReKomp i samarbeid med mellom anna Forum for oppvekst i Sunnhordland.
- Fortsatt prioritera tidleg innsats, jamfør Folkehelseprofilen til kommunen
- Saman med dei andre tenesteområda for barn, leggja til rette for ei positiv utvikling for barn som er i risiko for ei negativ utvikling.



Planlagde tiltak

- Plan for arbeid med fleirspråklige barn skal utarbeidast for å sikre lik og god praksis i arbeidet med språkstimulering.
- Sertifisera foreldrerettleiarar i kvar barnehage slik at kunnskap om trygg tilknytning ligg til grunn for arbeidet med barn og i rettleiing av føresette.
- Redusera sjukefråværet i einingar med høgt fråvær
- Kurs, nettverk og andre kompetanseutviklingstiltak i samarbeid med FOS og lokalt.
- Implementera bruk av stafettlogg og handlingsrettleiar knytt til betre tverrfagleg innsats (BTI).

Utfordringar:

Fallande barnetal

Per september 2020 er det rundt 220 barn i dei private barnehagane og 106 barn i dei kommunale barnehagane. Dette er om lag likt antall barn som på same tid i fjar. Heilt nye framskrivingar i frå SSB viser at Sveio kommune kan venta ei ganske dramatisk nedgang i barnetalet dei neste fem åra. Alternativet for middel vekst viser at tal barn i barnehagealder er venta å vere på rett i overkant av 290 i 2025. Det er då venta at 270 av desse barna vil trenge ein barnehageplass. I følgje framskrivinga kan vi ikkje vente at barnetalet er på dagens nivå før rundt 2040. Det vil alltid vere hefta usikkerheit ved slike prognosar, og framskrivinga må bli sett på som ein indikasjon.

Nedgangen i barnetalet den siste tida har spesielt råka dei private barnehagane. Fleire av barnehagane har store kull med skulestartarar i 2021. I kombinasjon med lågare etterspurnad etter barnehageplassar er det venta at fleire av barnehagane vil møte utfordringar hausten 2021. Lågare etterspurnad etter barnehageplassar kan gi driftsutfordringar både i private- og kommunale barnehagar.

Små kommunale barnehagar

Sveio kommune har ein barnehagestruktur med små kommunale barnehagar som gir høge kostnadar pr. kommunal barnehageplass. Kostnadane i dei kommunale barnehagane dannar utrekningsgrunnlaget for utbetaling av tilskot til dei private barnehagane. For å få redusert kostnaden pr. plass hastar det med å få på plass ein større communal barnehage. Sjølv om venta barnetal tilseier at kommunen ikkje har trong for fleire barnehageplassar i nærmeste framtid, kan dette endra seg når det blir lagt ut fleire tomter for bustadbygging. Samstundes må det påpeikast at Sveio barnehage har eit sterkt behov for meir tenelege lokalar.

Utforminga gjer det krevjande å driva effektivt i eksisterande bygningsmasse. Såleis er det framleis like aktuelt med nybygg for Sveio barnehage, men det kan vurderast å byggja ein mindre barnehage enn tidlegare planar legg opp til, men då på ei tomt som gir høve for utbygging med fleire avdelingar når behovet for meir barnehageplassar tilseier det. Bygging av ny Sveio barnehage må og bli sett i samanheng med arbeidet som pågår i høve framtidig struktur og driftsform for Åsvegen.

Redusert betaling i barnehage

Kommunen sine kostnader til redusert betaling har auka mykje dei siste åra. Årsaka kan vere ein kombinasjon av lågkonjunktur og at kommunen har vore flinkare til å informere innbyggjarane om ordninga.



Korona

Som følgje av Korona, har barnehagane sidan mars-2020 omorganisert drifta tre gonger. Framleis i lang tid skal barnehagane drivast innan rammene av sterke tiltak for smittevern. Smittevernet har som krav at alle tilsette må vera heime om dei har symptom på sjukdom, og dette kan føra til høgare korttidsfråvær og mindre stabilitet for barna.



Rammeområde skule

Tenester og oppgåver i rammeområde:

Skulane våre skal gi barn og unge opplæring i fag og syta for at dei opplever mestring og personleg utvikling. Eit godt læringsutbyte har som føresetnad at elevane har god trivsel, er trygge og får ei opplæring tilpassa føresetnadane sine.

Eit inkluderande, trygt skolemiljø og grunnleggjande dugleikar med hovudfokus på lesing er såleis utvalde satsingsområde for alle skulane i Sveio.

Kommunen arbeider saman med PPT for å inkludera fleire elevar i den ordinære opplæringa for slik å redusera talet på elevar med spesialundervisning. Sjølv om dette arbeidet framleis har og må ha høg prioritet, ser ein alt nå at prosentdelen som får spesialundervisning etter einskildvedtak, er redusert frå 10,0% til 7,2 % i 2019 og under landsgjennomsnittet (7,8%). Samstundes er bruk av assistenter blitt redusert og tal på elevar pr. assistentårsverk er nå på same nivå som landet elles. (63,9/63,5)

Gjennom lovverket blir barnehagar og skular gitt eit spesielt ansvar for å fremja folkehelsa. Inkluderande barnehagar og skular med høg kvalitet på læringsarbeidet styrker oppvekstvilkåra til barn og unge ved å gi eit godt fundament for seinare utdanning og arbeidsliv. Sjølv om dei siste målingane igjen viste både god framgang og svært mange gode resultat, må arbeidet med dei grunnleggjande dugleikane framleis ha høg prioritet, men nå knytt til fagforsyninga (ny læreplan frå hausten 2020).

Arbeidet for området er forankra i opplæringslova med forskrifter. Med grunnlag i opplæringslova § 13-10 har det administrative skuleeigarnivå ansvar for å følgja opp læringsmiljø og læringsresultat i skulane gjennom lokale og nasjonale styringssystem.

Årleg deltar mange lærarar frå Sveio på ulike vidareutdanningstilbod forankra i strategien «Kompetanse for kvalitet». Kommunen har dei siste åra i tillegg hatt lærarar under vidareutdanning til lærarspesialist, ei omfattande statleg vidareutdanning der deltakarane blir spesialistar på undervisning innan eitt fagområde.

Frå 2018 deltar Sveio saman med dei andre kommunane i Sunnhordland, i satsinga til Utdaningsdirektoratet som omhandlar inkluderande barnehage og skolemiljø. Deltaking i nasjonale satsingar sikrar fagleg oppfølging frå utdanningsinstitusjonar og tilfører noko ekstra ressursar. Forum for oppvekst i Sunnhordland (FOS), ulike universitet- og høgskolemiljø og nasjonale kompetansesentra er viktige samarbeidspartar i kompetanseutvikling for lærarar.

Vaksenopplæring etter introduksjonslova og opplæringslova er organisert under oppvekst-skule. Fire av fem skular i kommunen gir tilbod om SFO.

Mål

Måla for arbeidet i skulen er forankra i «Kvalitetsutviklingsplan for skular og barnehagar 2016-2020», vedteken av kommunestyret i 2016.

- Skular og SFO skal leggja stor vekt på å skape eit inkluderande og trygt læringsmiljø med nulltoleranse for mobbing, krenkingar og utesettenging.
- Inkludering skal gjelda alle elevar, og den ordinære opplæringa skal gi rom for elevar som har trond for ekstra oppfølging i form av spesialundervisning.



- Skulane skal ha fokus på kvalitet og læringsutbytte og leggja vekt på god leseutvikling og gode ferdigheter i grunnleggjande dugleikar forankra i fagfornyinga.
- Skulane skal i samarbeid med andre tenester i kommunen, bidra til gode oppvekstvilkår for dei mest sårbare barna. (Betre tverrfagleg innsats)
- Velkomstklass og vaksenopplæring skal bidra til god opplæring i norsk for minoritetspråklege barn og vaksne og gi ei god integrering for denne målgruppa.

Planlagde tiltak

- Sikra at alle elevar på 1.-9.trinn får opplæring i samsvar med ny læreplan.
- Skulane og skuleeigar skal i samarbeid gjennomføra kompetansetiltak for tilsette knytt til fagfornyinga.
- Utarbeida ny kvalitetsutviklingsplan forankra i fagfornyinga for politisk handsaming.
- Førebu innføring av ny programvare forankra i fagfornyinga.
- Gjennomføra fagøkter/fagdagar, nettverk og andre kompetanseutviklingstiltak knytt til fagfornyinga i samarbeid med FOS, Utdanningsdirektoratet og ulike universitets -og høgskulemiljø og lokalt i kommunen.
- Vidareutdanning for lærarar.
- Implementera samarbeidsmodellar for betre tverrfagleg innsats retta mot dei mest sårbare barna.
- Førebu politisk handsaming av skulebruksplan.
- Følgja opp "Kvalitetsplan for barnehagar og skular» gjennom det forsvarlege systemet til skuleeigar.

Utfordringar

Skulebudsjettet er stramt, og det har vore og er svært utfordrande for skulane å auka kvaliteten på opplæringa samstundes som driftsutgiftene pr. elev er såpass låg sett i forhold til samanlikningsgruppene. Sveio kommune er av SSB plassert i Kostragruppe 11 og samanlikna med gjennomsnitt lønskostnad pr. elev i denne gruppa går det fram at Sveio har låge lønsutgifter pr. elev samanlikna med andre kommunar her i landet som liknar på Sveio. Samstundes går det fram av informasjonssystemet til grunnskulane (GSI) at av det totale budsjettet til skulesektoren i Sveio, går 90 % (i 2017) og 87 % (i 2018) til lønn, medan kommunane i Hordaland og nasjonen nyttar i gjennomsnitt 82 % og 81,5 % av skulebudsjettet til lønn. Såleis har skulane i Sveio nytta færre økonomiske midlar til andre formål enn lønn sett i forhold til samanlikningsgrupper. Dette er venta å gi utfordringar når nye læreplanar (fagfornyinga) skal takast i bruk frå august-2020 med trong for ny programvare og nye lærebøker.

Utgifter til skuleplassar i andre kommunar og private tilbod er rekna til å bli omlag 4 millionar i 2021 og kan bli meir. Dette er kostnadar som skuleområdet i all hovudsak har lite høve til å påverka då det har samanheng med barnevernstiltak og vala til føresette om å nytta privatskular i opplæringa for barna sine.

Skuleskyss tar framleis ein større del av skulebudsjettet her i kommunen enn det som er vanleg i dei fleste andre kommunar. Dette har mange årsaker; takstane er blitt høgare og svært mange av elevane i kommunen har rett til fri skuleskyss som følgje av farleg skuleveg. Sjølv om skuleskyss skal sikra at elevane kjem seg trygt til og frå skulen, er det i eit folkehelseperspektiv uheldig at barna ikkje kan gå eller sykla og slik skaffa seg gode mosjonsvanar.

Når høge skyssutgiftene og elevplassar i andre kommunar og privatskular tar så stor del av den økonomiske ramma, fører det til at det blir mindre ressursar igjen til lærartimar og



læremidlar. Skulane melder også i år at det er utfordrande å sikra drifta innan den tilgjengelege ramma.

Ny læreplan skal innførast frå august 2020. Utdanningsdirektoratet utarbeider nettressursar som skulane skal nytta i kompetanseutviklinga for lærarane. Leiarane vil få si opplæring knytt til fagfornyinga i regi av FOS, Fylkesmannen i Vestland og gjennom erfaringsutveksling og nettverk her lokalt. Innføring av ny læreplan vil krevja mykje merksemd på alle nivå i skulen.

Vaksenopplæringa i Førde gir tilbod etter introduksjonslova. Talet på elevar har vore stort, og mange fleire enn før søker nå om opptak for grunnskuleopplæring etter opplæringslova. Etter økonomiske og pedagogiske vurderingar, har kommunen valt å kjøpa denne opplæringa av Haugesund kommune. Sjølv om dette er kostnadskrevjande, er det framleis ikkje så mange elevar som tar denne utdanninga at det vil bli rimelegare å organisera opplæringa her lokalt.

Alle elevane har nå fått Chromebook. I tilknyting til fagfornyinga blir det utarbeidd ny programvare som det er venta skal erstatta lærebøkene. Sveio er med i eit interkommunalt samarbeid som nå vurderer programvare for fagfornyinga. Forslag til innkjøp vil vera klart i 2021, og det er venta at kommunane vil foreta innkjøp saman og slik få fordel av storinnkjøp.

Den eldste delen ved Sveio skule er ferdig rehabilert og saman med nybygget har denne investeringa gitt leiarar, elevar og lærarar flotte og tenlege lokalar. Avklaring om uteområda er venta hausten-20 og ferdiggjering her er venta å få mykje å seia for skulemiljøet til elevane. For fleire av skulane er det trøng for ei oppgradering av uteområda. Dette er ikkje minst blitt aktualisert gjennom Korona-tida.

Førde skule, gamle del, der bl.a. Sveio Vaksenopplæring held til, treng framleis renovering. Utskifting av gamle vindauge står for tur, i tillegg til rømingsveg frå loftet. Calling-anlegg og nytt brannalarmanlegg er det og trøng for å investera ved skulen.

Stortinget har vedteke auka lærartettleik på 1. – 10. trinn, og frå august 2019 medfører dette ein pedagog per 15 elevar per hovudtrinn 1.-4. og ein pedagog per 20 elevar per hovudtrinn 5.-7. og 8.-10. per skule. Auka lærartettleik i samsvar med krava til Stortinget, gir Sveio skule og Vikse skule noko meir ressursar enn tidlegare, medan dei fādelte skulane etter krava i norma får reduksjon i ressursane samanlikna med tidlegare, noko som er svært utfordrande for småskulane.

Dei fleste skulane har stort sett gjennom åra hatt eit sjukefråvær under eller omlag som målsettinga for kommunen. I periodar registrerer me at enkeltskular kan ha høgare fråvær. I august viste samla sjukefråvær for skulane i 2020, 6,2 %. Målet for kommunen er 6,5 %. Sjukefråværet er heilt avgjerande for stabiliteten i opplæringa og må, sjølv om fråværss prosenten er tilfredsstillande, alltid ha stort fokus.

Som følgje av Korona, har skulane sidan mars-2020 omorganisert opplæringa tre gonger. Framleis i lang tid skal opplæringa organiserast og drivast innan rammene av sterke tiltak for smittevern. Smittevernet har som krav at alle tilsette må vera heime om dei har symptom på sjukdom. Sjølv om dei fleste i desse situasjonane kan driva noko nettbasert opplæring, må me til ei kvar tid ha nok vaksne som kan sjå til elevane og driva opplæringa i klassane. Det er svært uvisst korleis dette kan koma til å utvikla seg.



Rammeområdet Helse og omsorg

Tenester og oppgåver

Det er 5 ulike rammeområde knytt til Helse og omsorg:

- Fellesstenester -Tenestekontor-Helse og rehabilitering
- Barnevern
- Pleie og omsorg
- Habilitering
- NAV med flyktningavdeling

Mål

- Sikre ei god og kostnadseffektiv tenesteproduksjon.
- Gi brukar ei aktiv rolle ved utforming av tenestene.
- Følgje med og evaluere tenesteproduksjon og kvalitet.
- Ha fokus på samhandling med frivillige i del av tenesteproduksjonen.
- Sikre god førebygging og tidleg innsats for å hindre eskalering av utfordringar.

Planlagde tiltak

Rammeområdet vil følgje opp dei bestillingar som ligg i overordna plan for helse og omsorg samt følgje opp interkommunale samarbeidstiltak. Sveio kommune skal vere ein aktiv deltakar i Velferdsteknologiprosjektet og sikre implementering av ny teknologi for våre innbyggjarar med fokus på gevinstrealisering. Det vil vere fokus på å forbetra arbeidstilhøva og IA-arbeidet slik at fråværet blir redusert. Sikre god sjukepleiar og vernepleiar-rekruttering er ei viktig prioritering. Det vil bli gjennomført brukarundersøking i alle einingane i Helse og omsorg våren 2021 då sist planlagt undersøking vart utsett grunna koronasituasjonen.

Framtidig tenestetilbod og optimalisering av organisering må vurderast.

Utfordringar

Det er ei stadig utfordring å løyse oppgåver som er prega av større omfang og kompleksitet enn tidlegare innafor budsjettet. Koronasituasjonen har gjeve krav til nye arbeidsoppgåver mellom anna innan testing og smittesporing som må ivaretakast.



Helse og rehabilitering

Helse- og rehabilitering gir følgjande tenester: Helsestasjon, skulehelse, jordmor, fastlegeordning, kommuneoverlege (bl.a. smittevern og miljøretta helsevern), tilsynslege sjukeheim, legevakt, psykisk helse, butiltak for vanskelegstilte, rusarbeid, fysio/ergoterapi, hjelpemiddel.

SVEIO HELSESTASJON

Tenester og oppgåver

Helsestasjonane og skulehelsetenesta i Sveio skal arbeide helsefremjande og primærforebyggjande blant familiær med barn og unge. Dette blir gjort i form av generelle og målretta undersøkingar, vaksinasjonar, heimebesøk, samtaler og rådgiving individuelt og i grupper. Dei gravide skal ha tilbod om oppfølging i svangerskapet av jordmor.

Hesesøsterenesta har oppgåver på brei front med å fremje ei god folkehelse for innbyggjarane i kommunen. Det vert arbeidd tverrfagleg m.a. ansvarsgrupper for å sikre gode og koordinerte tenester til brukaren.

Mål

- Gi brukarane av tenesta best mogleg hjelp i samsvar med gjeldande lov og forskrifter.
- Helsestasjonen skal vere ei brukarvenleg teneste for dei gravide, småbarnsforeldre, elevar/ungdommar og deira foreldre.
- Via rettleiingsgrupper styrke og bevisstgjere småbarnsforeldra i foreldrerolla.
- Helsestasjonen skal oppretthalde dagens høge dekningsgrad på m.a. vaksinasjon i barne- og skulealder og deltakingsprosenten for foreldrerettleiings- gruppene.
- Helsestasjonen skal arbeide tverrfagleg/tverrretatleg for å betre tenesta til brukaren.
- Helsestasjonen skal vera ein god arbeidsstad der alle tilsette får fagleg utvikling.

Planlagde tiltak

Gjennomføring av lovfesta helsekontrollar og vaksinasjon til alle sped-, småbarn og skuleelevar i Sveio er ei prioritert oppgåve. Helsestasjonen vil gi råd/rettleiing og ekstra oppfølging til dei brukarane som har behov for det. Jordmora vil halde fram med jordmorteneste til gravide og prevensjonsundervisning til elevane i 9. klasse.

Det vil bli arbeidd med å vidareutvikle foreldrerettleiings-gruppene.

I samarbeid med psykiatrisk sjukepleiar vil ein drive vidare samtalegrupper i skulen.

Sveio helsestasjon vil vere ein sentral aktør i ein tverrfaglig implementering av TIBIR (tidleg innsats barn i risiko) og BTI (Betre tverrfagleg innsats).

Utfordringar

Oppretthalda og vidareutvikla tenestetilboden i tråd med nasjonale føringer og lokale tilhøve. Sveio er ein kommune i vekst, og det merkast og på tal på fødslar og born i målgruppa.



LEGEKONTORA , LEGEVAKT OG MILJØRETTA HELSEVERN

Tenester og oppgåver

Gjeld fastlegeteneste, legevakt, miljøretta helsevern, smittevernlege, turnuslege, skule- og helsestasjonsllege, tilsynslege SOS, førebyggjande medisin og administrasjon.

Mål

Sikra gode og nødvendige legetenester til befolkninga.

Planlagde tiltak

Tenesta vil vidareutvikla struktur, innhald og samarbeid med andre for den kommunale legetenesta, samt optimalisere eigen organisering. Sveio kommune vil delta vidare i det interkommunale samarbeidet for å sikra ein god felles legevakt for regionen. Det vil bli arbeidd med å utarbeide eit systematisk opplegg for miljøretta helsevern.

Utfordringar

Sveio kommune har dei siste par åra vore gode på rekruttering, slik at ein no har ei god fastleggedekning i kommunen. Viktig å forvalta det gode rekrutteringsarbeidet gjennom ein langsiktig plan for å oppretthalda den gode fastleggedekninga, spesielt med tanke på utfordringane i finansieringa av fastlegeordninga, og gjennom ein sunn og berekraftig balanse mellom bl.a. økonomi og tilgjengeleghet for publikum. Den pågåande Korona-pandemien er krevjande og utfordrande for den kommunale legetenesta, og syner kor sårbar legeressursane er i ein kommune på Sveio sin storleik er, samt kor avhengig ein er av godt regionalt/interkommunalt samarbeid.

REHABILITERING

Tenester og oppgåver

Omhandlar tenester innan rus- og psykiatri (ROP) m/butiltak, psykososialt kriseteam, fysio- og ergoterapiteneste og hjelphemiddellager.

Mål

- Koordinering - sikra samordning og kontinuitet av tenestene.
- God fagleg og tilgjengeleg hjelp prega av samarbeid og respekt.
- Førebygging - tidleg hjelp og tett oppfølging i periodar.
- Samhandling – med brukaren og andre – for å finna best mulege løysingar saman.

Planlagde tiltak

Tenesta skal sikra trygge butilhøve og meiningsfull kvar dag for personar med psykiske vanskar/rus. Tenesta skal støtta heimebuande og deira pårørande slik at dei meistrar kvar dagen. Informera om psykisk lidning – haldningsskapande og toleransefremjande arbeid. Førebyggjande psykososialt helsearbeid i høve til skuleborn og born av psykisk sjuke er ei prioritering. Tenesta vil forbetra og/eller oppretthalda funksjonsnivået til det enkelte menneske i høve til eigne ønske og behov uavhengig av alder og funksjonsnivå.


Tenesta skal formidla tekniske hjelphemiddel slik at brukarane i størst mogleg grad får hjelp etter behov. Psykisk helseteneste vil vere ein sentral aktør i ein tverrfagleg implementering av TIBIR (tidleg innsats barn i risiko) og BTI (Betre tverrfagleg innsats).



Utfordringar

Bustadtilbod med tilstrekkeleg tilsyn og omsorg for personar med samansett psykisk livsproblematikk/kriminalitet/rus er ei stor utfordring. Korleis vera i stand til å skapa gode og trygge buminjø står sentralt når ein opplev at dei einskilde brukarane har svært ulike behov. Korleis førebyggja/handtera ei veksande gruppe barn og unge som slit psykisk har stort fokus. Det er auka behov for rettleiing/støtte til barn/unge og deira familiar i vanskelege livssituasjonar.

Det er ei sentral oppgåve å skaffe kompetanse i høve til rus/psykisk lidning. Tenesta vil framleis satsa på og avsetje ressursar til førebyggjande og ikkje lovpålagde oppgåver innanfor psykisk helse. Å kunna oppretthalda enkelte helsefremjande og sjukdomsførebyggjande frisklivstilbod i kommunen som, sjølv om ein ikkje har nokon Frisklivssentral vil vere eit mål.





Barnevern

Tenester og oppgåver

Tenesta har 600% stilling og til saman 6 tilsette. I tillegg kjem avlasterar og oppdragstakarar som fosterforeldre, støttekontaktar, tilsynsførarar og rettleiarar. Tenesta har som oppgåve å gje barn som lever i omsorgssituasjonar som kan skade deira helse og utvikling, rett hjelp til rett tid. Tenesta har felles barnevernvakt utanom ordinær arbeidstid, med Tysvær og Vindafjord kommunar. Tysvær er vertskommune for barnevernvakta.

Mål

- Gje barn og unge som har behov for det rett hjelp til rett tid
- Tilstreba beste praksis ved å:
 - Halde fristar for sakshandsaming jf lov om barneverntenester
 - Gje barn, unge og føresette høve til medverknad
 - Planlegge og evaluere tiltak som blir sett i gong for å følgje med om dei fungerer etter hensikt
 - Dokumentere faglege vurderingar og evalueringar
- Ha fokus på kompetanseheving i tråd med til ei kvart tid gjeldande standar/retningslinjer
- Arbeide for eit heilskapleg førebyggande arbeid i kommunen

Planlagde tiltak

Tenesta vil regelmessig gjennomgå interne rutinar for sakshandsaming, og gjennomføra ROS analysar. Vidare deltaking i instansmøter med alle skular og barnehagar i kommunen saman med psykiatritenesta psykiatritenesta og helsestasjon vil prioriterast og barneverntenesta vil vere ein sentral aktør i BTI (Betre tverrfagleg innsats).

Tenesta inngår i eit prosjekt saman med 5 andre barneverntenester på Haugalandet (tilsaman 9 kommunar) om utvikling av eit eige oppfølgingsprogram for nye fosterheimar. Dette som eit ledd i å førebu tenesta på Barnevernsreformen som trer i kraft i 2022, som bl.a. inneber at eit større ansvar for oppfølging av fosterheimar vert overført frå stat til kommune. Det vert gitt tilskot frå Fylkesmannen i både Rogaland og Vestland til prosjektet i 2020, og det er søkt om vidare midlar i 2021.

Kommunen sertifiserer no eigne PMTO terapeutar, ein av desse er tilsett i barnevernenesta. Tiltaket vil føra til at ein har betre høve til å driva førebyggande arbeid i tenesta.

Tenesta har fått tilført ein stilling som vart bemanna i august 2020. Funksjonen fagansvarleg er lagt til ein av stillingane i tenesta, noko som vil bidra til betre høve til fokus på planlagt og systematisk utviklingsarbeid i tenesta.

Utfordringar

Det er stadig utfordrande å finne eigna fosterheimar til dei barna som har trong for slike tiltak. Å kunne tilby eit variert nok spekter av tiltak til familiarar er og utfordrande. Svært komplekse saker er utfordrande å handtere av eit relativt lite fagmiljø.



Pleie- og omsorg

Tenester og oppgåver

- Eigenbetaling for opphold og andre tenester
- Gir medisinsk- og sjukepleiefagleg hjelp til pasientgrupper med ulike behov.
- Gir rehabiliteringstilbod til pasientar etter brot, slagtilfelle, hjartesjukdom m.m.
- Gir palliativ (lindrande) behandling i livet sin sluttfase i institusjon.
- Legg til rette for livskvalitet og aktivitet for langtidspasientar, med høve til individuelle val og privatliv.
- Organisere ombringning av varm middag til heimebuande.
- Yt sjukepleie og praktisk bistand til heimebuande med ulik alder og behov.
- BPA (brukarstyrt personleg assistent).
- Omsorgsløn.
- Ansvar for tryggleiksalarmer.
- Gi variert aktivitetstilbod på dagsenter til brukargrupper, i og utafor institusjonen 5 dagar i veka.

Mål

- Oppfylle lov- og forskriftskrav om tenestekvalitet.
- Formidle respekt for det einskilde menneske som eininga si grunnleggjande verdi.
- Heimetenesta skal gje heimebuande nødvendig og forsvarleg helsehjelp slik at dei kan bu i eigen bustad så lenge som mogleg.
- Heimetene stene skal ytast på ein slik måte at brukaren opprettheld, eller betrar, funksjonsnivå så langt som mogleg. Før varige hjelpetak vert etablert skal tilrettelegging av bustad, velferdsteknologi ol. vere prøvd eller vurdert.
- Brukarmedverknad, eigenomsorg og aktivitet vert vektlagt i alle avdelingar.
- Alt samarbeid med pårørende skal vera dynamisk og respektfullt.
- Kvalitetssikring av tenestetilbodet skal vera ein kontinuerleg prosess.
- Auke jobbnærvær/ redusere fråvær ved fokus på tilrettelegging og moglegheiter i staden for avgrensing.

Planlagde tiltak

Tenesta vil gjennomføre planlagde samtalar 2 gonger pr.år med brukar og pårørende i langtidsavdelingane. Det vil bli utarbeidd tiltaksplan etter gjennomført brukarundersøking. Det vil bli lagt til rette for arbeidet slik at seniorar kan fortsette i arbeid til pensjonsalder, samt at gravide arbeidstakrar kan stå i jobb under svangerskapet.

Fortsetje implementering av LEAN. Utvide samarbeid med frivillige ved bruk av Friskus.

Tenesta vil samarbeida med brannvesenet om å driva førebyggjande brannvern i heimane, «Trygg heime» samt implementere velferdsteknologi.

Sveio omsorgssenter vil ivareta plassar for Covid-19 smitta personar som har behov for sjukeheimspleie



Utfordringar

Komplekse behandlingsoppgåver gjer at det er fagleg meir spenn i arbeidsoppgåvene tilsette utfører. Med auka fokus på at brukarar skal kunne bu lengre i eigen heim, gjer dette auka behov for kapasitet om kompetanse i heimenesta. Kompetansebygging og opplæring vil krevje mykje av eininga for å kunne bygge og oppretthalde tenestekvalitet. Å implementere velferdsteknologi som teneste og verktøy for de tilsette vil ha fokus og er ressurskrevjande. Tenesta skal legge til rette for forsvarleg drift i eininga knytt til brukarar som krev ekstra bemanning grunna store åtferdsproblem og fare for utagering. Pasientane på institusjon krev tettare oppfølging, som følgje av at dei er sjukare og har større/anna hjelpebehov enn før. Med bemanningsfaktoren som er i dag, gjer dette at det vert vanskeleg å fortsetje med same drift som tidlegare. Fortsetje arbeidet med prosjekt knytt til Stortingsmelding 15 «Leve hele livet».

Tenesta møter eit aukande behov for aktivitet hjå heimebuande eldre i dagsenteret. Koronasituasjonen vil periodevis kunne gje ei utfordrande drift med omsyn til bemanning og økonomi ved eventuelle smitteutbrot.





Habilitering

Tenester og oppgåver i avdelinga

Eining Habilitering tilbyr tenester til born og vaksne psykisk utviklingshemma i Sveio kommune. Eininga gir heildøgns butilbod til 13 brukarar og kommunal avlasting til 1 brukar. Alderen på brukerane er fra 17-70 år. 6 av innbyggjarane får arbeidstilbod ved UNI-K og Podlen verkstad. I tillegg har avdelinga fått tildelt 1 VTA plass frå NAV. Haugesund kommune kjøper i tillegg 1 plass av eining Habilitering. Det vert og gjeve avlasting i privat heim i utvida omfang.

Fagteam Habilitering gir tenester til heimebuande barn, unge og vaksne. Kartlegging av behov, tilråding av aktuelle og nødvendige hjelpetiltak forutan rettleiing ovafor foreldre/føresette for aktuelle målgruppe. Målgruppa omfattar personar med ulik grad av funksjonssvikt med omsyn til kognitive evner og ressursar. Fagteamet arbeider for å sikre tenestekvaliteten til heimebuande barn og ungdom. Det vert gjort mellom anna gjennom rettleiing til føresette. Støttekontaktar og privat avlasterar får og tilbod om rettleiing. Ei gruppe på 3 eldre heimebuande psykisk utviklingshemma har dagtilbod 1 dag i veka.

Mål

- Målet for avdelinga er å gje gode tenester og eit godt, variert og innhaldsrikt liv for innbyggjarar med psykisk utviklingshemming.
- For dei som får kommunal avlastning, er målet at foreldra og andre føresette skal få nødvendig hjelp for å handtere kvar dagen. Det er viktig at foreldra føler seg trygge på at barna har det godt og kan trivast når dei bur heimanfrå.
- Det er og eit klart mål at dei tilsette i avdelinga har grunnleggjande kompetanse innafor aktuelle arbeidsfelt. Verneplei utdanning er ein prioritert utdanning som eininga legg til rette for at personalet skal kunne gjennomføra. Sveio kommune legg godt til rette for vernepleiarstudentar gjennom gode permisjonsordningar. Dette området må prioriterast også framover.
- Aktuelle tenester er regulert i lov om kommunale helse og omsorgstenester. Denne lova omfattar kapittel 9: Rettssikkerhet ved bruk avtvang og makt overfor einskilde personar med psykisk utviklingshemming regulerar bruk av tvang og makt.
- Eininger har utarbeida fleire nødvendige tvangsvedtak. Denne lova gir ei mengde utfordringar når det gjeld kompetanse og tal på personell som skal vere tilgjengeleg til ei kvar tid. Det er eit uttalt mål å auke kompetansen på området som gjeld bruk av tvang og makt, samstundes som det vil bli arbeidd vidare med å rekruttera fleire personar med høgare kompetanse.

Det er lovkrav om at det ved gjennomføring av tvangstiltak skal vere minst ein som har 3 år med helse- og sosialfagleg høgskuleutdanning.

- Sveio kommune skal etablera eit aktivitetshus til nytte for brukarar som ikkje kan nytte seg av tilbod med produksjonskrav.
- Tilby miljøtenester til ungdom. Det er behov for rettleiing og oppfølging i eigen bustad utanfor foreldreheim, for innbyggjarar i kommunen med nedsett kognitiv funksjon.
- Samordnad og betre tilrettelagte bustadar for aktuell gruppe.

Planlagde tiltak

Avdelinga gjennomfører årlege kurs som omhandlar bruk av tvang og makt. Opplæringa vil også famne om kvar ny tilsett, innafor dette området.



Avdelinga vil vidareutvikle dagtilbod ut frå eigne bustader til nytt aktivitetstilbod er i drift. Det er heilt nødvendig å skape/tilby eit strukturert godt tilbod på dagtid.

Eining Habilitering ynskjer å tilsette fleire vernepleierar. Ved å tilby praksisplassar ynskjer ein å rekruttere ny-utdanna vernepleiarar til arbeid i Sveio kommune. Det er fortsatt svært vanskeleg å rekruttere kvalifisert personale til ledige stillingar i ordinære turnusar. Eininga har nå i større grad tatt i bruk langvaktturnus.

Utfordringar

Mindre refusjon til ressurskrevjande brukar grunna alder, gir økonomisk konsekvens. Utvida behov for miljøteneste og BPA ordning gir økonomiske utfordringar for eininga. Sveio kommune må ha ein framtidsplan på lokaliteter for avlasting. Tenesta treng fleire faglærte innan helse- og omsorg. Budsjettetramma gir utfordring med å ivareta lovpålagte oppgåver.





NAV med flyktningavdeling

Tenester og oppgåver i eininga

- NAV skal rettleie brukarar mot arbeid og aktivitet.
- NAV skal fremje økonomisk og sosial tryggleik og førebyggje fattigdom, med særleg vekt på barn i lavinntektsfamiliar.
- NAV skal auke livskvaliteten for NAV sine brukarar.
- NAV skal førebyggje sosiale problem i kommunen.
- NAV skal ta imot og integrera flyktningar i kommunen.
- NAV skal drifta Introduksjonsordninga og Kvalifiseringsprogrammet.
- NAV skal saksbehandla og rettleie etter Lov om sosiale tjenester i NAV, Introduksjonslova, NAV lova og Folketrygdlova.
- NAV skal drive arbeidet sitt etter Lean-metodikken.

Mål

- NAV skal ha hovudfokus på høve til arbeid og aktivitet for NAV sine brukarar.
- NAV skal gjennom råd, rettleiing og ulike tiltak fremje sosial tryggleik og betre levekår for vanskelegstilte. Særleg fokus på førebyggjing og motarbeiding av barnefattigdom.
- NAV skal sikre ein økonomisk minstestandard for dei med låg eller inga inntekt.
- NAV skal bidra til at dei med rusrelaterte problem, får naudsynt rettleiing.
- NAV skal sikre at alle, med samansette behov, får tilbod om individuell plan.
- NAV skal sikre ei god integrering av flyktningane.
- NAV skal halde lovkrav og retningsliner for saksbehandlingstid.
- NAV skal yte rett service overfor NAV sine brukarar.
- NAV skal vere ein pådrivar i Lean-arbeidet, både i eige kontor og i region Sunnhordland/Sveio kommune.

Planlagde tiltak

NAV skal ha kontinuerleg fokus på arbeid og aktivitet for alle brukarar. Ingen skal gå på passiv yting over tid, utan aktivitetstilbod. Det skal vere særleg stort fokus på unge brukarar og flyktningar. Desse skal inn i arbeidsretta tiltak snarast råd. NAV Sveio driv jobbasar, Jobbkafè og motivasjonsbasar for desse gruppene. I desse får kommunen sine unge, under 30 år, og flyktningar særslig oppfølging mot skule/arbeid/aktivitet. Grunna Korona, blir nokre basar drive digitalt. Erfaring frå digitale jobbasar har vist at for nokre brukarar er dette ei svært effektiv oppfølging. NAV skal vere ein pådrivar for tettare tverrfagleg samarbeid rundt desse brukargruppene.

NAV skal ha stort fokus på tett og tidleg oppfølging mot integrering og skule/arbeid/aktivitet for flyktningane i kommunen. Det er eit kontinuerleg mål å auke kompetansen hjå dei tilsette. Dette for å betre brukarmøta og for å kunne yte best mogeleg og rett service.

NAV skal ha eit mål om, til ei kvar tid, å auke arbeidsmarknadskunnskapen hjå dei tilsette og å få til eit endå betre samarbeid med dei ulike einingane i Sveio kommune og lokalt næringsliv. NAV vil styrke fokus på førebygging og motarbeiding av barnefattigdom. NAV har vore og skal vere ein pådrivar for tettare tverrfagleg samarbeid på dette området.

NAV skal vidareutvikla det gode Lean-arbeidet, i jakt på gode løysingar for innbyggjarane.

Utfordringar

Det er framleis for mange unge som fell ut av vidaregåande skule og arbeidsliv.

Arbeidsmarknaden i oljefylka var i stor betring, før Korona-krisa. Mange av NAV sine brukarar er vanskelege å formidle til arbeidslivet, sjølv i gode arbeidsmarknads tider. Skal




NAV få alle brukarane sine ut i arbeid og aktivitet, er NAV avhengig av godt samarbeid med dei ulike einingane i kommunen og lokalt næringsliv. Høg arbeidsmarknadskompetanse hjå dei tilsette, vil ofte vere avgjerande for å lukkast med å skaffe ledige arbeid. Det å finne rette aktivitets-/arbeidstiltak, for NAV sine tyngste brukargrupper, er ei stor utfordring. Vidare er det å få til ein tilpassa aktivitetsplan for kvar einskild brukar utfordrande.

NAV har dei seinare åra opplevd ei auke i unge med rusproblematikk. Det er mange personar som har trøng for økonomisk- rådgjeving, forvaltning og gjeldsrådgjeving. Talet har vore aukande over tid og Korona-krisa har medført ei forverra utvikling. Dette arbeidet er svært ressurskrevjande.

Motarbeiding og førebygging av barnefattigdom er eit satsingsområde over heile landet. NAV, saman med andre i kommunen, må fortsetje å halde fokus på dette viktige området i tida som kjem.

NAV vil ha vansker med å oppretthalde lovplålagde tenester innafor budsjett.





Rammeområde kultur

Tenester og oppgåver

Sveio kommune skal leggja til rette for eit rikt kulturliv for innbyggjarane i samarbeid med anna offentleg og privat verksemd samt friviljuge lag og organisasjonar. I arbeidet skal det leggjast vekt på medverknad og involvering samt aktivitetar der profesjonelle kunstnarar åleine eller saman med lokale utøvarar bidreg i kulturprogrammet til kommunen.

Arbeidsoppgåver i avdelinga består m.a. av: allment kulturarbeid, Sveio folkebibliotek, Sveio kulturskule, "Den kulturelle skulesekken", «Den kulturelle spaserstokken», Sveio Ungdomsråd, idrett og friluftsliv, Fartein Valen-arbeidet inkludert Fartein Valen Festivalen, drift av Vigdartun i fritidssonen, ulike stønadsordningar, kulturvern og reiseliv.

Med kulturdelen og idrettshall i Vigdartun og omliggjande for idrett, har idrett og til dels kultur eit levande senter. Vi ser framleis trong for eit meir reint kulturhus, der kulturskule, bibliotek, kor, korps og andre kulturaktivitetar kunne fått meir optimale tilhøve.

Mål

- Sveio kommune vil i samarbeid med lag og foreiningar og andre instansar og enkeltpersonar, vera med og gi innbyggjarane eit variert og kvalitativt godt kultur- og fritidstilbod. Aktivitet og identitet er sentrale omgrep.
- Å ta vare på og utvikla frivillig engasjement som ein viktig ressurs i Sveio
- Barn- og unge skal prioriterast slik at alle får oppleva Sveio kommune som ein aktiv og god stad å vekse opp i. Tiltak for ungdom skal stimulerast. Ein vil følgja opp tendensar i ungdomsmiljøa. Ungdomsrådet og frivilligsentralen er viktige i dette arbeidet.
- Ein ynskjer å samarbeide med profesjonelle aktørar innan kultur og utnytta dei samla ressursane på ein god måte.
- Biblioteket skal vera ein tenesteytar til alle. Biblioteket skal følgja opp den teknologiske og mediamessige utviklinga.
- Kommunen sine innbyggjarar får tilbod om ei positiv fritid og opplæring i ulike kulturelle uttrykk gjennom undervisning i Sveio kulturskule. Tilboden må såleis utvidast til å omfatte fleire kulturformer. Ein bør finne fram til høvelege samarbeidsformar med aktuelle samarbeidspartar. Kulturskulen slit med små stillingar. For å styrkja innhald og kvalitet i tenesta, er det viktig å jobbe mot større stillingar.
- Et overordna mål er at flest mogeleg skal vera fysisk aktive. For å oppnå dette må det vera eit breitt tilbod for å drive idrett og fysisk aktivitet i kommunen. Det er ønskjeleg å prioritere nærmiljøanlegg i alle deler av kommunen og leggja til rette for gode anlegg for uorganisert idrett og leik i tilknyting til skular, buområde og friluftsområde.
- Synleggjere verdien av lokale kulturminne og kulturmiljø, og auka kunnskapen om korleis dei kan forvaltast, både av det offentlege og private. Det blir arbeidd med å følgja opp tiltaka i handlingsdelen til kulturminneplanen, og er sett i gong arbeid med å rullera planen.
- Sveio kommune arbeider for å vidareutvikla eit berekraftig reiseliv med vekt på hovudattraksjonane Ryvarden, Fartein Valen-heimen og Sveio golfpark, og etablering av Førde og Valestrand som besøksmål. Me skal sikra god og tilgjengeleg informasjon om tilboda i kommunen, og god tilrettelegging for reisande.



- Kulturavdelinga arbeider for å verna om fornminne, naturområde, kulturlandskap og bygningar som er av særleg historisk, estetisk eller allmenn verdi. Vidare har det prioritert å samla og ta vare på lokal historie og historisk materiale og følgje opp kulturminneplanen.
- Fartein Valen-arbeidet må vidareutviklast. Dei positive erfaringane med Fartein Valen Festivalen må vidareførast. Samarbeid med Haugesund kommune, Hordaland fylkeskommune og FV stiftelsen og Valenheimen Kulturscene må styrkast.
- Barn og unge, og eldre, skal gis kulturelle opplevingar gjennom «Den kulturelle skulesekken» og «Den kulturelle spasertokken».
- Gjennom arbeidet med Liv og lyst i Valevåg skal Sveio kommune hjelpe til med å stimulere lokalt entreprenørskap og mobilisering i lokalsamfunn på ein systematisk og vedvarande måte og er viktig i arbeidet for å skape attraktive bu- og arbeidsområder.

Planlagde tiltak

- Kulturskule: Utviding av tilbod for større grupper og få tilrettelagd egna lokaler til desse.
- Kulturskulen: Forsøk med dans. Tilbod i SFO.
- Nye lokale tilbod i "Den kulturelle skulesekken".
- Samarbeide med senioruniversitetet, Ryvarden kulturfyr og Sveio omsorgssenter om eit variert og godt tilbod i «Den kulturelle spasérstokken».
- Bibliotek: Opprette og vedlikehalde nynorsk turbibliotek på Dagsturhytta. Dette kan stimulere til lesing og gi ein ekstra dimensjon til turopplevelinga. Samarbeide med Auklandshamn bygdelag og skulen om arrangement/lesestimulerande aktivitet på hytta.
- Fullføre arbeidet med Bibliofil på skulane: registrering av alle media og automatisere utlån.
- Rullering av kulturminneplanen, gjennomføring av tiltak.
- Følgja opp tiltak i Frivilligplanen (vedtatt 2019).
- Ungdomsarbeidar utviklar tilbodet for unge saman med Sveio ungdomsråd. Eit samarbeid med Sveio frivillegesentral er naturleg i denne samanheng.
- Stimulere til vidare opparbeiding og merking av turstiar, følgje opp ønskjer om realisering av ulike nærmiljøanlegg. Revidere Temaplan for idrett og friluftsliv. Følgje opp vedtak om å realisere bygging av badeanlegg og idrettshall.
Fartein Valen: vidareutvikling av formidlingsprosjekt og produksjonar. Utvikle FV-studio. Sterkare og meir bærekraftig organisering av Fartein Valen festivalen med tilhøyrande satellittkonserter.

Utfordringar

I biblioteket gir driftsbudsjettet gir lite rom for tiltak, prosjekt og arrangement. Det vil prioritert å bruke midlar på ulike leseaksjonar for barn og unge gjennom året.

Biblioteket vil vidareutvikle modellbiblioteket med små og større arrangement. På arrangement for vaksne vil biblioteket legge til rette for samarbeid med eksterne aktørar i biblioteklokal der eksterne har økonomisk ansvar.

For kulturskulen er det trøng for meir tilpassa lokalar til ulike kunstuttrykk. For å få på plass fag med større grupper treng ein meir plass. Den tidlegare skytebanen i Vigdartun er planlagt å bli eit slikt rom. Korpsrørsla som har vore ein viktig oppdragsgjevar for kulturskulen, slit



med rekrutteringa, og kulturskulen ønskjer å hjelpe til i denne utfordringa. Kulturskulen administrerer no og Den kulturelle skulesekken og vil arbeide for eit variert tilbod av god kvalitet.

Fartein Valen arbeidet si lokale forankring må utviklast vidare som ein bærebjelke i kulturbygda Valestrand m.a. gjennom samarbeid med Valenheimen kulturscene. Arbeidet har i alle år blitt tilført mykje økonomiske midlar frå stat og fylke, men det er oftast ein føresethnad for tildeling av eksterne midlar at kommunen også bidrar med økonomiske ressursar. Eksterne midlar er meint brukt direkte til konsertproduksjon. På grunn av små rammer er det ikkje alltid det er tilfelle.

Fartein Valen-festivalen er eit samarbeid mellom Sveio kommune, Haugesund kommune og Fartein Valen-stiftelsen. Hovudfestival skal gjennomførast annakvart år og som satellittkonsertar annakvart. Arbeidet vert no retta inn mot 2022 som er eit minneår for Valen sin død. Det vert planlagd fleire større satsingar det året, mellom anna som gjesteopphold i Valenheimen for førebuing av produksjon i 2022.

Vigdartun blir i høg grad nytta av lag og organisasjoner, men er og ein viktig samlingsplass for ungdom. Det er høg aktivitet både på kveldstid og i helgar. Ungdomskoordinator er viktig i dette arbeidet og må arbeide for eit samlande miljø.

På kulturområdet er det gode høve for å søkja eksterne midlar til delfinansiering av tiltak. Som oftast er det krav om at kommunen stiller med 50% av finansieringa. Kulturbudsjettet er knapt og såleis til hinder for å søkja midlar til mange aktuelle tiltak. Lite kapasitet til å søkje og følgje opp samt manglande eigenkapital, kan gjere at kommunen mister gode og viktige prosjekt for å følgje med i tida.

Det er ønskeleg å auke stillingar eller eventuelt å ha ein gjennomgang på kva som skal vere kulturavdelinga sine primærroppgåve i framtida. I kva retning ønskjer ein politisk at kulturarbeidet i Sveio kommune skal gå? Kva skal vi gjere og prioritere for å vere i takt med korleis politikarane ønskjer at kultertilbodet i Sveio kommune skal utviklast framover?





Rammeområde teknisk/næring

Tenester og oppgåver innan rammeområdet

Rammeområdet omfattar administrasjon, næringsrettleiing, drift- og anleggsavdelinga, plan- og næringsavdelinga. Sjølvkostområda vatn, avløp, slam og renovasjon ligg også til teknisk, men er skilt ut som eit eige rammeområde.

Til området administrasjon ligg oppgåver som eigedomsforvaltning, næringsutvikling, oppfølging av Haugalandspakken, oppfølging av Haugaland brann og redning IKS, oppfølging av Atheno i høve førstelinjetenester næring og breiband.

Hovudarbeidsoppgåver for drift- og anleggsavdelinga er drift, vedlikehald og utbygging av kommunale bygningar og anlegg. Vidare har avdelinga ansvar for vedlikehald og opprusting av kommunale vregar og sykkel-gangstiar, trafikksikring, park og grøntanlegg, utbygging av kommunale bustadfelt og næringsområde, arbeid knytt til miljø og reinhald.

Sentrale arbeidsoppgåver knytt til plan- og næringsavdelinga er planlegging, eigedomsdeling, adressetildeling, byggesaker, registerføring, konsesjonar, akvakultur, utsleppsløyve, dispensasjonar, viltforvaltning, landbruk, veterinærkvalitet, miljøsaker, energi/klima/miljø/vassforvaltning, meklaropplysningar og kommunalt beredskapsarbeid.

Mål

- Tilby attraktive bustadområde med trygge og gode oppvekstvilkår
- Legga til rette for næringsutvikling, verdiskapinga og sysselsetjinga i kommunen
- Halda eit korrekt nivå på vedlikehald av bygg, vregar, anlegg og utstyr
- Ha effektiv sakshandsaming av god kvalitet
- Vedlikehalde og vidareutvikle digitalt kartverket og planarkiv
- Ha fokus på HMS og vidareutvikle eit godt arbeidsmiljø

Planlagde tiltak

- Oppfølging av planlagde investeringar i bygg, vregar, anlegg og utstyr
Døme på investeringar kan være badeland, nye brannstasjonar, aktivitetssenter, ny kommunal barnehage og klargjering av bustad/næringsområde
- Arbeid med kommunedelplan for Sveio sentrum, områdeplan Vikingland, reguleringsplanar og revidering av kommuneplan
- Vidare arbeid med å realisera næringsplan
- Vidare arbeid med avvik- og kvalitetssystemet
- Vidareutvikla digitalt planarkiv
- Heva kvaliteten på eigedomskartverket og andre kartdata
- Gjera kartdata betre tilgjengelig for innbyggjarane
- Gjennomføre tilsyn etter plan og bygningsloven og forureiningsforskrifta
- Analysera arbeidsprosessar og utarbeida rutineskildringar
- Kontinuerleg fokus på forbetningsarbeid



Utfordringar

Rammeområdet har eit betydeleg volum i pågåande prosjekter eller arbeidskrevjande planar sett opp mot tilgjengeleg bemanning. Volumet gjer at det er utfordring med å halde ønskja framdrift i alle prosjekt/planar.

Det er utfordrande å halda tilstrekkeleg vedlikehald av bygningsmassen og vegar. Løypande avtalar tar større del av budsjettet og som konsekvens har det blitt mindre midlar til verdibevarande vedlikehald og eit auka vedlikehaldsetterslep. Dei seinare åra har vintervedlikehald av vegane medført større utgifter enn budsjettet.



Rammeområde Vatn, Avløp og Renovasjon (VAR)

Tenester og oppgåver

Drift og anleggsavdelinga har ansvar for oppgåver knytt til vatn, avløp og renovasjon. Vi nyttar Sunnhordaland interkommunale miljøverk til å levere renovasjon og slam tenester.

Hovudoppgåver innan VAR er drift, vedlikehald og utvikling av vatn og avløpsnett, samstundes med forvaltning av kommunal renovasjon og slam. Området finansierast med gebyrbetaling frå tenestemottakarane.



Mål

- Tilby innbyggjarane nok vatn, godt vatn og ha ei sikker vassforsyning
- Tilby innbyggjarane avløpsanlegg og syta for effektiv og miljømessig god avløpshandtering
- Tilby innbyggjarar og hyttefolk ei god og miljøvenleg renovasjonsordning
- Driva vatn-, avløp og renovasjonsområdet økonomisk og etter sjølvkostprinsippet
- Ha fokus på HMS og vidareutvikle eit godt arbeidsmiljø

Planlagde tiltak

- Utskifting av eldre vassleidningar
- Planleggja framtidig hovud- og reservevassforsyning for Sveio
- Driftsovervaking vann

Utfordringar

Sveio kommune forvaltar eit stor vann og avløpsnett. Det er viktig å bytta ut tilstrekkeleg med gammalt leidningsnett som har leidningsbrot og unngå eit for stort etterslep.

Volumet av vatn kjøpt frå Haugesund kommune aukar og medfører auke i kostnader til kjøp av vatn. I samband med at avtale med Haugesund kommune går ut i 2021, må vi vurdere om vi skal forlenge avtalen eller produsere meir vatn sjølv. Her er det starta eit forprosjekt for å kartlegge drikkevasskjelda Furuvatn. Vidare er det viktig å sikre ei god reservevassforsyning på lang sikt.



Rammeområde politisk

Tenester og oppgåver

2021 – Stortings- og Sametingsval

2022 – Budsjettår utan val

2023 – Kommunestyre og fylkestingval

Borgarleg vigsel – Politisk området gjennomførar borgarleg vigsel.

Utdeling av verdibrev til alle elevar som går ut av grunnskulen

Mål

- Førebu saker og gjennomføre møter for
 - Kommunestyre - 25 medlemmer
 - Formannskap – 7 medlemmer
 - Hovudutval oppvekst/kultur – 7 medlemmer
 - Hovudutval teknisk/næring – 7 medlemmer
 - Hovudutval helse/sosial – 7 medlemmer
 - Eldreråd – 5 medlemmer
 - Råd for funksjonshemma – 4 medlemmer
 - Partsamansett utval – 10 medlemmer
 - Sakkynlig takstnemnd - 3 medlemmer
 - Sakkynlig ankenemnd - 3 medlemmer
 - Andre møter og utval etter behov

Planlagde tiltak

- Vidareutvikle kommunen som "ein god kommune å bu i"
- Gjennomføre årleg budsjettsamling
- Delta i ulike prosessar

Utfordringar

- Vidareutvikle gode tenester for å sikre at Sveio kommune er ein attraktiv kommune framover
- Komme i mål med planlagde tiltak



Rammeområde sentraladministrasjon

Sentraladministrasjonen består av følgjande einingar: offentleg servicekontor, IKT, økonomikontoret m/ skatt, eigedomsskattekontoret, løn- og personalkontoret, lærlingar og rådmann.

Tenester og oppgåver

Offentleg servicekontor (OSK) driv kommunen sin resepsjon/sentralbord og står for posthandtering og arkivtenester. OSK handsamar saker innan startlån, bustadtiskot og ulike løyver (parkering, sal, servering, skjenking). Servicekontoret administrerer utleige av kommunale bustader og sal av kommunale tomter. Planlegging og gjennomføring av kommune- og stortingsval ligg også til OSK.

IKT avdelinga leverer data- og kommunikasjonstenester til kommunale einingar, samarbeidspartnare og innbyggjarar. Tenestespekteret er omfattande og varierer innan dei ulike fagområda som omsorg, skule, kultur, teknisk og administrasjon. Den teknologiske utviklinga dei siste åra har vært formidabel. Dette gjev nye muligheter til utvikling. Samstundes aukar kompleksiteten og krava til tilgjenge av løysningane.

Økonomikontoret gir leiinga, politikarane og einingane i kommunen mest mogleg korrekte budsjett-, rekneskaps- og KOSTRA - tal, som grunnlag for økonomisk planlegging og styring. Avdelinga gjer råd og rettleiing til dei ulike einingane innanfor områder der den har spisskompetanse. Økonomikontoret fører og avsluttar rekneskapen for alle deler av kommunen, samt Kyrkjeleg Fellesråd, 2 sokn, eit kommunalt føretak og to legat. Avdelinga handsamar innkomande fakturaer, fakturerer og krev inn kommunale krav. Eigedomsskattekontoret er også lagt til økonomikontoret. Frå 1.11.2020 blei fagområdet løn lagt til kontoret.

Økonomikontoret fekk med dette også ansvar for lønnsutbetaling til alle tilsette i kommunen, Sveio kyrkelege fellesråd samt Ryvarden Kulturfyr KF og krev inn refusjon frå NAV og andre. Frå 1.11.2020 blei skatteoppkrevjarfunksjonen overført frå Sveio kommune til skatteetaten.

Personalkontoret gir støtte til einingane i personalspørsmål og har spisskompetanse innan sentralt lov- og avtaleverk. Dei gir og råd og rettleiing og driv sakshandsaming i høve dei ulike pensjonsordningane for dei tilsette. Kontoret har ansvar for verne- og HMS arbeidet i kommunen og samarbeider med bedriftshelsetenesta og IA-rådgivaren. Kontoret har ei viktig og tidkrevjande rolle i samband med tilsetjingar og deltar i dei vanskeleg personal- og AKAN-sakene. Dei samarbeider med fagorganisasjonane i spørsmål som gjeld dei tilsette og har ansvar for og arbeidet med dei lokale forhandlingane. Personalkontoret deltar i eit interkommunalt rekruttering-/omdømme-prosjekt og i ulike andre nettverk. Kontoret har ei sentral og koordinerande rolle i samband med lærlingar.

IKT-samarbeid på Haugalandet

Kommunane står føre store omstillingar. For å dekke brukaranes ønskje og behov må kommunane i større grad fokusere på digitalisering, innovasjon og tenesteutvikling. Eit tettare samarbeid mellom kommunane vil kunne styrke kompetansen, sikre god kvalitet og god tilgjengelighet på IKT-tenester. Det arbeidast med IKT-samarbeid på Haugalandet. Det vil bli utarbeida eiga sak til kommunestyrrene i den enkelte kommune dersom eit formelt samarbeid verkar føremålstenleg.



Sveio kommune vil saman med dei andre Sunnhordalandkommunane i ein eller annan form delta vidare i digitaliseringssamarbeidet som leiast av Bergen kommune. Arbeidet legg til rette for informasjonsdeling, standardisering og at kommunane samskjørast meir i høve til å ta i bruk digitale verktøy. Samarbeidet gjev også ein styrke i høve til å utfordra programvareleverandørane.

Mål for sentraladministrasjonen

- Ha brukaren i sentrum
- Gje innbyggjarane god tilgang til informasjon og tenester på ein stad. På denne måten blir nærmiljø og lokalsamfunn ivaretake.
- Utføra oppgåver effektivt og med høg kvalitet.
- Innarbeida gode og effektive rutinar for samhandling internt og med andre gjennom; forbeting, fornying og forenkling
- Oppretthalda/vidareutvikla tilbod til tilsette, resultateiningar og fagorganisasjonar.
- Inntak av lærlingar for å sikre rekruttering, kompetanse, samt heve omdømme til kommunen.
- IKT skal vidareutvikla og drifta kommunen sine data- og kommunikasjonssystem på en kostnadseffektiv og rasjonell måte, med fokus på stabilitet og driftstryggleik.

Planlagde tiltak

Gjennomføre interne kurs med det siktemålet å auka kompetansen til einingane. Utarbeide og systematisere dei ulike rutinebeskrivingane. Vidareutvikla og forbetre nettstaden. Arbeide vidare med innføring av fullelektronisk arkiv, samt elektronisk personalarkiv. Arbeide for effektivisering, mellom anna gjennom bruk av Lean. Utvide fiberinfrastrukturen, samt fornye nettverksinfrastrukturen. Vurdere nye tryggleiksalternativ.

Utfordringar

Det kan vera utfordrande å halde på kompetanse og sørge for kompetanseheving og kompetanseoverføring blant dei tilsette. Tilsette må vera oppdaterte på lovar og anna regelverk frå sentrale styresmakter. Rammeområdet må søkje å oppretthalda servicenivået til tilsette og leiarar i Sveio kommune. For å vera robuste må det utarbeidas nye og betre rutinebeskrivingar. Området må gjennom informasjonsflyt betre samarbeidet mellom alle einingane i kommunen, for gje publikum god service. Rammeområdet må sikra nødvendig IKT-kompetanse hos brukarane, og oppdatert kompetanse ved IKT-kontoret.



Forbetningsarbeid - LEAN

Grunna korona har Lean-året blitt litt annleis enn planlagd når det gjeld kursrunde 4. Planen var å starte kursrunden i april 2020, men dette har blitt utsatt inntil vidare. Fokuset har vært på å arbeida vidare med dei einingane som har vært gjennom kurs. Det har vært gjennomført tre kursrundar saman med Samarbeidsutvikling AS.

Deltakarar til no har vore; Lön- og personalkontoret, Bu, miljø og meistring, Rådmannen si leiargruppe, Sveio barnehage, Førde skule, Vaksenopplæringa, Plan og næring, OSK, Sveio skule, Kulturavdelinga med biblioteket, Åsvegen, Stemhaugen, Helsestasjonen med psykisk helse, Drift og anlegg, Auklandshamn skule, Valestrand oppvekstsenter, Økonomikontoret, Førde barnehage og Sveio omsorgssenter.

Leanarbeidet har alt gjeve positive resultat. Sveio som kommune har blitt lagt merke til, og har blitt invitert til å holde foredrag på Leankonferansen i Stavanger den 10. og 11. september 2020. Tema for konferansen er Fretidens Ledelse.

Me er no i det me kallar fase 1, der det handlar om å gje leiarar og nokre utvalde ressurspersonar ved alle einingane grunnleggjande opplæring i Lean. Det er framleis nokre avdelingar som ikkje har fått grunnleggjande opplæring. I tillegg har det kome til fleire nye leiarar som ikkje var med på opplæringa tidlegare. Ein arbeider med opplæring i Lean desse. Det vert og arbeidd med å vedlikehalda og utvikla kompetansen til tilsette i tråd med Lean metodikken.

Leansatsinga må vera ein del av ei større strategisk tenking der ein ønskjer å vidareutvikla forbetningskulturen i heile Sveio kommune. I vår tradisjon har me ein sterk kultur for å tenkja på arbeid som effektivitet. Fokuset vårt er då på den daglege produksjonen og det å få jobben gjort. For å bli ein lærande organisasjon lyt me i større grad sjå på arbeid som læring.

Det blir no jobba med å implementera fase 2 og å ferdigstille fase 1. Fase 2 skal ha fokus på utviklinga av Sveio kommune som ein lærande organisasjon. Dette krev målretta og strukturert jobbing, og me må ha eit langsiktig perspektiv. Me må jobba med å gjera Lean til ein naturleg del av verksemda til Sveio kommune.

Mål

Ferdigstilling av fase 1 av Lean arbeidet i Sveio kommune og få ein god plan for fase 2 i Leanarbeidet. Det planleggast eit nytt kurs for nyttilsette leiarar og for einingar som så langt ikkje har kome i gang med Lean arbeidet.

Få til ei delingskultur og -arena i einingane og på tvers i kommunen.

Det vil og vera eit mål at einingane ser gevinst i Leanarbeidet sitt og at det gir motivasjon til å drive Leanarbeidet vidare.

Auka fokus på deling av forbedringsarbeid som blir gjennomført, og arbeid med verdistrømmar som kan gje brukargevinst.



Uttfordringar

Det å setje av nok ressursar til oppfølging i einingane som startar med Lean er utfordrande. Lean-metodikken er tidkrevjande både å innføre og å oppretthalde i einingane. Det at leiariane set av nok tid til dette arbeidet i ein travel kvar dag er viktig, men utfordrande.

Det er og eit spørsmål om 30 % stilling til å støtte Leanarbeidet i kommune er nok. Det kan og vera ein svakhet at denne ressursen ligg på ein person i kommunen.





Sveio Kyrkjelege Fellesråd



Tenester og oppgåver

Sveio Kyrkjelege Fellesråd er ein sjølvstendig organisasjon der om lag 2/3 deler av verksemda er finansiert via kommunalt tilskot. Frå 1.1.2021 er dette med heimel i Lov om tros- og livssynssamfunn § 14. Denne lova trer i kraft frå komande årsskifte. Om lag 80 % av innbyggjarane i Sveio er medlemmer i Den norske kyrkja. Kyrkja legg til rette for gudstenester, trusopplæring, kor, diakoni, kulturarrangement og anna arbeid blant alle aldersgrupper i Sveio, dette både for medlemmer og ikkje medlemmer. Nær opp mot 100% av gravferdsseremoniane skjer og i kyrkja sin regi.

Sveio kyrkjelege Fellesråd har i tillegg ansvar for å leggja til rette for at Sveio skal ha gode og verdige gravplassar til alle innbyggjarane i kommunen uavhengig av religion og livssyn.

Fellesrådet har ansvar for 5 kyrkjer og kapell samt 12 gravplassar.

Fellesrådet er ein liten organisasjon med 8 tilsette fordelt på 5,7 årsverk.

Mål

Fellesrådet har som sitt overordna mål:

«Menneske i alle aldrar og livssituasjonar, kvinner og menn, barn og unge, skal kunne oppleve at dei hører til i Kyrkja og bli respekterte der, slik at alle kan ta del i det lokale kyrkjelivet»

Og vidare: *«Kyrkja i Sveio skal leggja til rette for aktivitet og stadig fornying av folkekyrkja. Gudstenester, kyrkjelege handlingar, barne- og ungdomsarbeid,*



konsertar og kulturkveldar er nokon av aktivitetane. Kyrkjebygga og kyrkjegardane er viktige møtestader. Kyrkjene er nokon av kommunen sine viktigaste kulturskattar...»

Det å ta i vare kyrkjene er viktig både fordi dei er viktige for kyrkja sine aktivitetar, men og fordi dei er viktige kulturbygg i bygdane. Gravplassane skal vera i ein stand som gjer at det vert opplevd som verdig å koma dit for dei som ser til sine nærmeste sine graver.

Planlagde tiltak

Dei komande åra er det i kommunen sin økonomiplan sett av viktige midlar til rehabilitering av kyrkjebygg samt til ulike tiltak innanfor brannsikring og enøk. Gravplassen på Eikeland bør utvidast i løpet av 2021 og det bør setjast av midlar til dette føremålet.

Utfordringar

Det er krevjande å få gjennomført nødvendig arbeid innanfor administrasjon med nåverande budsjetttramme. Blant anna vil gjennomføring av tiltaka nemnt på førre punkt ha som føresetnad at administrasjonen i kyrkja nyttar ein god del tid på dette. Dette går utover anna administrativt arbeid. Det er derfor behov for å auka administrativ ressurs noko. Det er også ein utfordring å rekruttera og behalda tilsette i deltidsstillingar.


Ein annan utfordring Fellesrådet står i er å halda gravplassane i tilstrekkeleg stand, særleg gjeld dette i vekstsesongen. Frå 2018 har me og ansvar for eit vesentleg større areal i samband med overtaking av vedlikehald av Sveio sentrum gravplass og den utvida gravplassen i Førde. På sikt vil det bli eit auka areal på Eikeland.



Nøkkeltal

Folkevekst


Sveio kommune har vore ein kommune i vekst. Tabellen til venstre viser at Sveio kommune



har hatt ein kraftig auke i talet på innbyggjarar dei siste 10 åra, frå 2010 til 2020. Befolkinga har auke med 767 innbyggjarar, frå 4 999 innbyggjarar i 2010 til 5 766 innbyggjarar i 2020. Sterkast har veksten vore i aldersgruppene

20-66 år og 67-79 år. I desse gruppene har veksten vore på høvesvis 372 (12,6 %) og 277 (73,9 %) personar. Vekst i folketal vil påverka kommuneøkonomien på både kort og lang sikt. På den eine sida vil folkeauke føra til auka trøng for tenester til innbyggjarane. På den andre sida førar folkeauke også med seg auka inntekter for kommunen.

Figuren til høgre visar venta utvikling i befolknings- samansetnad for Sveio kommune. Tala er basert på Statistisk Sentralbyrå sitt middelalternativ for nasjonal folkevekst. SSBs middelalternativ viser at Sveio




kommune kan rekna med eit innbyggjartal på 6 560 per 1.1.2044. Dette er ein mykje svakare vekst i folketal dei neste ti åra i forhold til dei siste ti åra. 341 (5,9 %) personar dei neste ti åra mot 767 (15,3 %) dei siste ti åra. Den største auken i personar dei neste 25 åra er venta i aldersgruppene 67-79 år, 80-89 år og 90+. Veksten er vent å bli på høvesvis 303 (47 %), 304 (179 %) og 134 (362 %)




Befolkningsstruktur

For kommuneøkonomien er det interessant å sjå på korleis befolkninga er samansett i



visar befolkningsstrukturen i heile Noreg samla sett.



Noreg er i denne alderen. Når det gjeld personar over 80 år så er 3,6 prosent av innbyggjarane i Sveio i denne aldersgruppa, medan talet for heile landet er 4,3 prosent.

Det er altså venta at Sveio kommune nyttar relativt meir ressursar på tenester til born i barnehage- og skulealder enn gjennomsnittet i landet, og relativt mindre på tenester til innbyggjarar over 80 år enn gjennomsnittet i landet.

kommunen.
Strukturen seier
noko om behovet
for kommunale
tenester og i kva
sektorar behovet er
størst.

Diagrammet til
venstre visar
befolknings-
strukturen i Sveio
per 1.1.2020.
Diagrammet under

Om lag 6,4 prosent
av innbyggjarane i
Sveio er i
barnehagealder.
For landet som
heilhet er 5,5
prosent av
befolkninga i
barnehagealder.
14,7 prosent av
innbyggjarane i
Sveio er i
grunnskulealder,
medan berre 12,0
prosent av
innbyggjarane i



Fordeling mellom rammeområda

I fylgjande del vil ein sjå på korleis kommunen prioriterer mellom dei ulike rammeområda og korleis denne utviklinga har vore. Rammefordelinga er gitt i budsjettkjema fordeling drift.

Budsjettkjema fordeling drift byggjer på budsjettkjema bevillingsoversyn som er rådmannens forslag til fordeling av midlane som er til disposisjon. Desse tabellane vil vere å finne under *Økonomiplan 2021 – 2024 – drift* som kjem under. Kommentarane til budsjettkjema fordeling drift, frå dei ulike einingane er over i dokumentet under overskrifta *Kommentarar frå organisasjonen*.

Fordeling drift	Regnskap 2019	Budsjett 2020	Budsjett 2021	Budsjett 2022	Budsjett 2023	Budsjett 2024
Til fordeling drift						
9 Politisk	5 414 711	4 880 000	5 270 000	4 990 000	5 270 000	4 990 000
10 Sentraladministrasjon	22 596 361	24 700 000	23 570 000	23 570 000	23 570 000	23 570 000
11 Tilleggslovingar	0	5 500 000	5 480 000	5 480 000	5 480 000	5 480 000
12 Oppvekst - Skule	91 973 728	94 720 000	96 540 000	96 540 000	96 540 000	96 540 000
14 Tekniske tjenester	18 282 701	16 770 000	17 370 000	17 570 000	17 570 000	17 570 000
15 Kultur	7 691 371	8 265 000	8 285 000	8 285 000	8 285 000	8 285 000
16 Kyrkja	4 020 000	4 130 000	4 190 000	4 190 000	4 190 000	4 190 000
17 Oppvekst - Barnehage	23 803 144	24 260 000	24 720 000	24 720 000	24 720 000	24 720 000
18 VAR - vann, avløp og renovasjon	-5 899 986	-6 050 000	-6 400 000	-6 400 000	-6 400 000	-6 400 000
19 Finans	27 325 770	36 730 000	33 772 798	33 772 798	33 772 798	33 772 798
22 Ryvarden Kulturfyr KF	540 000	550 000	560 000	560 000	560 000	560 000
30 Helseavdeling med fellestenester	27 547 456	26 680 000	27 080 000	27 080 000	27 080 000	27 080 000
31 Pleie og omsorg	57 084 260	51 160 000	54 730 000	54 730 000	54 730 000	54 730 000
32 NAV med flyktningarbeid	16 334 853	15 112 563	11 480 000	11 480 000	11 480 000	11 480 000
33 Barnevern	11 135 093	11 307 437	13 480 000	13 480 000	13 480 000	13 480 000
34 Habilitering	33 529 520	31 670 000	32 050 000	32 050 000	32 050 000	32 050 000
Fordelt drift	341 378 982	350 385 000	352 177 798	352 097 798	352 377 798	352 097 798
Korreksjon netto avsetningar eller bruk av fond i drift	1 788 376	1 988 090	1 548 630	0	0	0
Korrigert til fordeling	343 167 358	352 373 090	353 726 428	352 097 798	352 377 798	352 097 798

Dei einskilde rammeområda


I tabellane og teksten nedanfor er utviklinga for dei ulike rammeområda synleggjort. Grafane visar utvikling i netto driftsutgifter per innbyggjar, eller per relevant gruppe innbyggjar, til eit bestemt føremål. Netto driftsutgifter er den delen av utgiftene til føremålet som er finansiert direkte av kommunen sjølv. Tala er i hovudsak basert på KOSTRA-rapporteringa av rekneskapstal for 2019. Det er viktig å vera klar over at det kan vera feil i rapporteringa.

For Sveio kommune er det naturleg å i hovudsak samanlikna seg med gjennomsnittet av kommunane i kommunegruppe 11. Denne gruppa består av kommunar med middels stor befolkning (5 000-19 999 innbyggjarar), middels store bundne utgifter, og middels høge inntekter. Sveio kommune er ein liten kommune innafor kommunegruppe 11. Kommunen har høgare utgiftsbehov og lågare inntekter enn ein gjennomsnittskommune. I følgje Kommunal- og moderniseringsdepartementet har Sveio kommune Korrigerte frie inntekter på 93 % av landet. Det er då korrigert for inntekter frå eigedomsskatt, konsesjonskraft og havbruksfond.




Utgiftsbehov 2020

Berekna utgiftsbehov 2020 i prosent av landsgjennomsnittet



Berekna utgiftsbehov er ei berekning av kor mykje midlar kommunane treng for å gje eit tilbod på linje med landsgjennomsnittet til ulike tenester. Det er denne berekninga som leggast til grunn ved økonomisk kompensasjon for kommunanes utgifter til bestemte føremål. Sveio kommune har høgare berekna utgiftsbehov til skule, barnehage, kommunehelse og administrasjon o.l. enn gjennomsnittet i landet. Utgiftsbehovet til pleie og omsorg, barnevern og sosiale tenester er berekna til lågare enn landet.

Ressursbruk




Grafen over visar kor mykje ressursar Sveio kommune nytta til dei ulike tenestene i prosent av netto driftsutgifter i forhold til gjennomsnittet av kommunane i landet, korrigert for berekna utgiftsbehov.

Sveio kommune nytta mindre ressursar enn gjennomsnittet i landet til mest alle tenester. I følgje analyseverktøyet Framsikt nytta Sveio kommune i gjennomsnitt 4,9 % mindre til dei ulike tenestene. Einaste tenesta kommune ligg over landsgjennomsnittet på er utgifter til barnevern.



Grunnskule

Netto driftsutgifter til grunnskulesektor per innbyggjar 6-15 år justert for inflasjon.




I 2019 nyttar Sveio kommune kr 115 700,- per innbyggjar 6-15 år til grunnskulesektoren i følgje KOSTRA 2019. Gjennomsnittet for kommunane i kommunegruppe 11 var kr 129 237,-. Dersom Sveio kommune hadde nyttet det same per innbyggjar 6-15 år som gjennomsnittet i kommunegruppa ville utgiftene til skuleområdet blitt om lag 11,3 millionar høgare i 2019. Tala visar at netto driftsutgifter per innbyggjar 6-15 år i Sveio har gått ned med kr 1 365,- frå 2016 til 2019. Gjennomsnittet i kommunegruppa har gått opp med kr 6 172,- per innbyggjar 6-15 år i den same perioden.

I følgje analyseverktøyet Framsikt nyttar Sveio kommune 6,8 % mindre på denne tenesta enn gjennomsnittet i landet. Sveio kommune nyttar samla om lag 6,8 millionar kroner mindre på grunnskule enn gjennomsnittet landet, og om lag 1,6 millionar kroner mindre i forhold til gjennomsnittet i kommunen. I følgje Framsikt nyttar kommunen om lag 3,3 millionar kroner meir enn andre kommunar på skyss og om lag 5,3 millionar kroner mindre enn andre kommunar på skulelokal.



Barnehage

Netto driftsutgifter til barnehagar per innbyggjar 1-5 år justert for inflasjon.




I 2019 nytta Sveio kommune kr 159 802,- per innbyggjar 1-5 år til barnehageområdet. Gjennomsnittet for kommunane i kommunegruppe 11 var kr 167 404,-. Dersom Sveio kommune hadde nytta det same per innbyggjar 1-5 år som gjennomsnittet i kommunegruppa ville utgiftene til barnehageområdet blitt om lag 2,8 millionar høgare i 2019. Tala visar at netto driftsutgifter per innbyggjar 1-5 år i Sveio har auka med kr 6 416,- frå 2016 til 2019. Gjennomsnittet i kommunegruppa har auka med kr 18 679 per innbyggjar 1-5 år i den same perioden.

I følgje analyseverktøyet Framsikt nytta Sveio kommune 0,7 % minder på denne tenesta enn gjennomsnittet i landet. Sveio kommune nytta samla om lag 0,4 millionar kroner mindre på barnehage enn gjennomsnittet i landet, og om lag 2,5 millionar kroner meir i forhold til gjennomsnittet i kommunen. I følgje Framsikt nytta kommunen om lag 0,1 millionar kroner meir enn andre kommunar på førskule og om lag 2,1 millionar kroner meir til Styrka tilbod til førskuleborn. Kommunen nytta om lag 2,4 millionar kroner mindre enn andre kommunar på skyss og førskulelokal.



Barnevern

Netto driftsutgifter barnevern per innbyggjar 0-17 år justert for inflasjon.



I 2019 nytta Sveio kommune kr 7 675,- per innbyggjar 0-17 år til barnevern. Gjennomsnittet for kommunane i kommunegruppe 11 var kr 11 454,-. Dersom Sveio kommune hadde nytta det same per innbyggjar 0-17 år som gjennomsnittet i kommunegruppa ville utgiftene til barnevern blitt om lag 5,5 millionar høgare i 2019. Justerte tal visar at netto driftsutgifter per innbyggjar 0-17 år har gått opp med kr 1 488,- frå 2016 til 2019. Gjennomsnittet i kommunegruppa har auka med kr 1 779,- per innbyggjar 0-17 år i den same perioden.


I følgje analyseverktøyet Framsikt nytta Sveio kommune 3,1 % meir på denne tenesta enn gjennomsnittet i landet. Sveio kommune nytta samla om lag 0,3 millionar kroner meir på barnevern enn gjennomsnittet i landet, og om lag 0,9 millionar kroner meir i forhold til gjennomsnittet i kommunen. I følgje Framsikt nytta kommunen om lag 1,0 millionar kroner meir enn andre kommunar på barnevernstiltak når born er plassert av barnevernet og om lag 0,7 millionar kroner mindre på barnevernstiltak når born ikkje er plassert av barnevernet. Kommunen nytta om lag det same som andre kommunar når det gjeld sjølve drifta av barnevernskontoret.



Pleie og omsorg

Område pleie og omsorg gjeld tenestene som i Sveio kommune leverast frå rammeområda Pleie og omsorg, Habilitering og delvis Helseavdeling med fellestestenester.

Netto driftsutgifter pleie og omsorg per innbyggjar justert for inflasjon.




I 2019 nyttar Sveio kommune kr 18 338,- per innbyggjar til pleie og omsorg. Gjennomsnittet for kommunane i kommunegruppe 11 var kr 23 569,-. Dersom Sveio kommune hadde nyttat det same per innbyggjar som gjennomsnittet i kommunegruppa ville utgiftene til pleie og omsorg blitt om lag 29,9 millionar høgare i 2019. Det gjer eit feil bilette å samanlikna Sveio mot kommunegruppa på dette området. Kommunegruppe 11 har eit særslig høgt berekna utgiftsbehov på området. Justerte tal visar at netto driftsutgifter per innbyggjar i Sveio har gått opp med kr 1 528,- frå 2016 til 2019. Gjennomsnittet i kommunegruppa har gått opp med kr 1 952,- per innbyggjar i den same perioden.

I følgje analyseverktøyet Framsikt nyttar Sveio kommune 3,2 % mindre på denne tenesta enn gjennomsnittet i landet. Sveio kommune nyttar samla om lag 3,3 millionar kroner mindre på pleie og omsorg enn gjennomsnittet i landet, og om lag 2,0 millionar kroner meir i forhold til gjennomsnittet i kommunen. I følgje Framsikt nyttar kommunen om lag 3,0 millionar kroner meir enn andre kommunar på helse- og omsorgstenester til heimebuande og om lag 2,5 millionar kroner mindre på helse- og omsorgstenester i institusjon. Kommunen nyttar om lag 3,4 millionar kroner mindre enn andre kommunar når det gjeld aktiviserings- og servicetenester.



Kommunehelse

Netto driftsutgifter kommunehelse per innbyggjar justert for inflasjon.




Korrigert for inflasjon nyttar Sveio kommune i 2019 kr 3 357,- per innbyggjar til kommunehelse. Gjennomsnittet for kommunane i kommunegruppe 11 var kr 3 407,-. Dersom Sveio kommune hadde nytt det same per innbyggjar som gjennomsnittet i kommunegruppa ville utgiftene til kommunehelse blitt om lag 0,3 millionar lågare i 2019. Justerte tal visar at netto driftsutgifter per innbyggjar har auka med kr 840,- frå 2016 til 2019. Gjennomsnittet i kommunegruppa har auka med kr 640,- per innbyggjar i den same perioden.

I følgje analyseverktøyet Framsikt nyttar Sveio kommune 0,6 % mindre på denne tenesta enn gjennomsnittet i landet. Sveio kommune nyttar samla om lag 0,1 millionar kroner mindre på kommunehelse enn gjennomsnittet i landet, og om lag 0,8 millionar kroner mindre i forhold til gjennomsnittet i kommunen. I følgje Framsikt nyttar kommunen om lag 0,7 millionar kroner meir enn andre kommunar på anna førebyggjande helsearbeid og om lag 0,8 millionar kroner mindre på Førebygging, helsestasjons- og skulehelseteneste. Kommunen nyttar om lag det same som andre kommunar på Diagnose, behandling og re-/habilitering.



Sosiale tenester

Netto driftsutgifter sosialtenester per innbyggjar justert inflasjon.




Sveio kommune nyttar i 2019 kr 1 953,- per innbyggjar til sosiale tenester. Gjennomsnittet for kommunane i kommunegruppe 11 var kr 2 438,-. Dersom Sveio kommune hadde nyttat det same per innbyggjar som gjennomsnittet i kommunegruppa ville utgiftene til kommunehelse blitt om lag 2,8 millionar høgare i 2019. Justerte tal visar at netto driftsutgifter per innbyggjar gjekk ned med kr 82,- frå 2016 til 2019. Gjennomsnittet i kommunegruppa gjekk ned med kr 265,- per innbyggjar i den same perioden.

I følgje analyseverktøyet Framsikt nyttar Sveio kommune 22,9 % mindre på denne tenesta enn gjennomsnittet i landet. Sveio kommune nyttar samla om lag 2,6 millionar kroner mindre på sosiale tenester enn gjennomsnittet i landet, og om lag 1,9 millionar kroner mindre i forhold til gjennomsnittet i kommunen. I følgje Framsikt nyttar kommunen om lag 1,9 millionar kroner mindre enn andre kommunar på tilbod til personar med rusproblem og om lag 1,0 millionar kroner meir på økonomisk sosialhjelp.



Kultur og idrett

Netto driftsutgifter kultur og idrett per innbyggjar justert for inflasjon.




I 2019 nytta Sveio kommune kr 2 048 per innbyggjar til kultursektoren. Gjennomsnittet for kommunane i kommunegruppe 11 var kr 2 669. Dersom Sveio kommune hadde nytta det same per innbyggjar som gjennomsnittet i kommunegruppa ville utgiftene til kultursektoren blitt om lag 3,6 millionar høgare i 2019. Justerte tal visar at netto driftsutgifter per innbyggjar i Sveio har gått opp med kr 340 frå 2016 til 2019. Gjennomsnittet i kommunegruppa har auka med kr 430 per innbyggjar i den same perioden.

I følgje analyseverktøyet Framsikt nytta Sveio kommune 28,3 % mindre på denne tenesta enn gjennomsnittet i landet. Sveio kommune nytta samla om lag 3,3 millionar kroner mindre på kultur og idrett enn gjennomsnittet i landet, og om lag 2,6 millionar kroner mindre i forhold til gjennomsnittet i kommunen. I følgje Framsikt nytta kommunen om lag 1,2 millionar kroner mindre enn andre kommunar på kommunale idrettsbygg og idrettsanlegg og om lag 0,5 millionar kroner meir på musikk- og kulturskular. Til aktivitetstilbod til barn og unge nytta kommunen i 2019 om lag 0,9 millionar kroner mindre enn andre kommunar.



Kyrka

Netto driftsutgifter kyrkje per innbyggjar justert for inflasjon.




I 2019 nytta Sveio kommune kr 711,- per innbyggjar til kyrkja, dette inkludera ikkje stønad til andre trussamfunn. Gjennomsnittet for kommunane i kommunegruppe 11 var kr 735,-. Dersom Sveio kommune hadde nytta det same per innbyggjar som gjennomsnittet i kommunegruppa ville utgiftene til kyrkja blitt om lag 0,1 millionar høgare i 2019. Justerte tal visar at netto driftsutgifter per innbyggjar har gått opp med kr 7,- frå 2016 til 2019. Gjennomsnittet i kommunegruppa har gått opp med kr 3,- per innbyggjar i den same perioden.

I følgje analyseverktøyet Framsikt nyttar Sveio kommune 11,8 % meir på denne tenesta enn gjennomsnittet i landet. Sveio kommune nyttar samla om lag 0,5 millionar kroner meir på kyrkja enn gjennomsnittet i landet, og om lag 0,7 millionar kroner meir i forhold til gjennomsnittet i kommunen. I følgje Framsikt nyttar kommunen om lag 0,7 millionar kroner meir enn andre kommunar på gravplassar og krematorier. På direkte stønad til kyrka og stønad til andre relegiøse føremål nyttar Sveio kommune om lag 0,1 millionar kroner mindre enn andre kommunar.



Plan, kulturminner, natur og nærmiljø

Netto driftsutgifter Plan, kulturminner, natur og nærmiljø per innbyggjar justert for inflasjon




I 2019 nytta Sveio kommune kr 776,- per innbyggjar til Plan, kulturminner, natur og nærmiljø. Gjennomsnittet for kommunane i kommunegruppe 11 var kr 816,-. Dersom Sveio kommune hadde nytta det same per innbyggjar som gjennomsnittet i kommunegruppa ville utgiftene til Plan, kulturminner, natur og nærmiljø blitt om lag 0,2 millionar høgare i 2019. Justerte tal visar at netto driftsutgifter per innbyggjar har gått opp med kr 628,- frå 2016 til 2019. Gjennomsnittet i kommunegruppa har gått opp med kr 230 per innbyggjar i den same perioden.

I følgje analyseverktøyet Framsikt nytta Sveio kommune 7,5 % mindre på denne tenesta enn gjennomsnittet i landet. Sveio kommune nytta samla om lag 0,3 millionar kroner mindre på plan, kulturminner, natur og nærmiljø enn gjennomsnittet i landet, og om lag 0,1 millionar kroner mindre i forhold til gjennomsnittet i kommunen. I følgje Framsikt nytta kommunen om lag 0,7 millionar kroner meir enn andre kommunar på kart og oppmåling og om lag 0,2 millionar kroner meir på byggesakshandsaming og eigarseksjonering. På plansakshandsaming nytta kommunen i 2019 om lag 0,4 millionar kroner mindre enn andre kommunar og til kulturminner nytta også kommunen om lag 0,4 millionar kroner mindre.



Administrasjon, styring og fellesutgifter

Netto driftsutgifter til administrasjon og styring per innbyggjar justert for inflasjon.




I 2019 nytta Sveio kommune kr 4 962,- per innbyggjar til Administrasjon, styring og fellesutgifter. Gjennomsnittet for kommunane i kommunegruppe 11 var kr 5 616,-. Dersom Sveio kommune hadde nytta det same per innbyggjar som gjennomsnittet i kommunegruppa ville utgiftene til Administrasjon, styring og fellesutgifter blitt om lag 3,7 millionar høgare i 2019. Justerte tal visar at netto driftsutgifter per innbyggjar har gått ned med kr 439,- frå 2016 til 2019. Gjennomsnittet i kommunegruppa har auka med kr 722,- per innbyggjar i den same perioden.

I følgje analyseverktøyet Framsikt nytta Sveio kommune 14,3 % mindre på denne tenesta enn gjennomsnittet i landet. Sveio kommune nytta samla om lag 4,1 millionar kroner mindre på administrasjon, styring og fellesutgifter enn gjennomsnittet i landet, og om lag 2,5 millionar kroner mindre i forhold til gjennomsnittet i kommunen. I følgje Framsikt nytta kommunen om lag 3,5 millionar kroner mindre enn andre kommunar på administrasjon, om lag 1,4 millionar kroner mindre på administrasjonslokal og om lag 1,7 millionar kroner mindre på tenester utaføre ordinært kommunalt ansvarsområde. På politisk styring nytta kommunen om lag 1,7 millionar kroner meir enn andre kommunar og på interkommunale samarbeid nytta kommunen om lag 1,5 millionar kroner meir enn andre kommunar.



Brann og ulykkesvern

Netto driftsutgifter pr. innbyggjar per innbyggjar justert for inflasjon.



I 2019 nytta Sveio kommune kr 1 044,- per innbyggjar til Brann og ulykkesvern. Gjennomsnittet for kommunane i kommunegruppe 11 var kr 1 061,-. Dersom Sveio kommune hadde nytta det same per innbyggjar som gjennomsnittet i kommunegruppa ville utgiftene til brann og ulykkesvern blitt om lag 0,1 millionar høgare i 2019. Justerte tal visar at netto driftsutgifter per innbyggjar i Sveio har auka med kr 126,- frå 2016 til 2019. Gjennomsnittet i kommunegruppa har auka med kr 67,- per innbyggjar i den same perioden.

I følgje analyseverktøyet Framsikt nytta Sveio kommune 15,7 % meir på denne tenesta enn gjennomsnittet i landet. Sveio kommune nytta samla om lag 0,9 millionar kroner meir på brann og ulykkesvern enn gjennomsnittet i landet, og om lag 1,2 millionar kroner meir i forhold til gjennomsnittet i kommunen. I følgje Framsikt nytta kommunen om lag 1,4 millionar kroner meir enn andre kommunar på beredskap mot branar og andre ulykker og om lag 0,5 millionar kroner mindre enn andre på førebygging av branar og andre ulykker.



Finans

Tala i denne analysen er utarbeida med grunnlag frå kommunerekneskapen og Statistisk Sentralbyrå. Alle kommunar er pålagt å føre rekneskapen etter KOSTRA-standarden (Kommune-Stat-Rapportering). Ein nyttar KOSTRA som ein reiskap til å evaluera drifta (effektivitet, riktig tenestetilbod, samansetning og kvalitet). KOSTRA gjer det enklare å samanlikne på tvers av ulike kommunar.

Tala frå Sveio kommune samanliknast her mellom anna med tal frå Kommunegruppe 11. Kommunane som ligg i kommunegruppe 11 er definert som middels store kommunar med middels bundne kostnader per innbyggjar og middels frie disponible inntekter. Det er kommunerekneskapa frå 2013 som er lagt til grunn for denne grupperinga.


Etter ny kommunelov er alle kommunar plikta til å vedta økonomiske måltal (§ 14-2 c). Under følgjer rådmannens forslag til måltal for Sveio kommune.

Netto driftsresultat

Netto driftsresultatet seier noko om kor stor skilnad det er mellom utgiftene og inntektene. Nærare bestemt viser det årets driftsoverskot etter at renter og avdrag er betalt. Netto driftsresultat gir eit uttrykk for kva kommunen har til disposisjon til avsetningar og investeringar. I følgje Teknisk beregningsutvalg (TB) bør netto driftsresultat vera på minst 1,75 % av brutto driftsinntekter.

Sveio har betydeleg lågare inntekter enn ein gjennomsnittskommune (ca 94 %). Kommunen har hatt relativt gode resultat dei seinare åra, noko som i stor grad skyldast enkelthendingar. Etter rådmannens vurdering gjer desse to forholda at Sveio kommune kan ha lågare målsetting enn tilrådd av Teknisk beregningsutvalg på mellomlang sikt. Rådmannen foreslår at Sveio kommune har som målsetting å ha eit netto driftsresultat på 1,25 % av brutto driftsinntekter.

Netto driftsresultat i prosent av brutto driftsinntekter



	2016	2017	2018	2019
Sveio	3,9 %	5,3 %	5,4 %	1,6 %
Kostagruppe 11	2,8 %	2,6 %	1,5 %	0,0 %
Hordaland (-2019)	4,3 %	4,5 %	3,3 %	1,9 %
Landet uten Oslo	4,1 %	3,7 %	2,2 %	1,5 %




Ein ser at resultatet til Sveio kommune i stor grad svingar i takt med dei ein samanliknar seg med. I 2019 hadde Sveio kommune eit svakare driftsresultat enn det som er anbefalt av Teknisk berekningsutvalg, men høgar enn måtalet foreslått av rådmannen. Rådmannens framlegg til budsjett for 2021 legg opp til eit netto driftsresultat på 0,5 % av brutto driftsinntekter. Det må arbeidast for å få dette opp til målsettinga på 1,25 %.

Netto lånegjeld

Netto lånegjeld er kommunens gjeld minus utlån til andre og ubrukte lånemidlar. Dersom Sveio kommune ikkje hadde hatt unytta lånemidlar ville netto lånegjeld utgjort om lag 87 % av brutto driftsinntekter. Etter rådmannens vurdering må det vera eit mål for Sveio kommune å i liten gra auka netto lånegjeld utover dagens nivå. Rådmannen foreslår at Sveio kommune har som mål at netto lånegjeld ikkje skal vera høgare enn 80 % av brutto driftsinntekter.

Netto lånegjeld i prosent av brutto driftsinntekter




Sveio si netto lånegjeld i prosent av driftsinntektene er lågare enn sine samanliknings-kommunar. Ei årsak til dette er at kommunen har om lag 120 millionar kroner i unytta lånemidlar, som med tida vil bli nytte til allereie vedtekne investeringsprosjekt. Ein del av brutto lånegjeld blir og låna ut til Haugaland kraft og blir dermed trukke frå ved berekning av netto lånegjeld. Tar ein omsyn til kommunens unytta lånemidlar og netto planlagde investeringar i 2020 vil Sveio kommune ha ei netto lånegjeld på 94 % av brutto inntekter. Det er ikkje realistisk at Sveio kommune greier å nytta all unytta lånegjeld i løpet av 2021.

Renteeksponert gjeld

I tillegg til gjeld har kommunen også bankinnskot og andre pengeplasseringar. Kommunen har også vidarelånt midlar i form av startlån og lån til Haugaland Kraft AS. Dette er midlar som vil gje høgare avkastning ved høgare rente, og som til ein vis grad vil motverka høgare renteutgifter på gjelta. I tillegg har kommunen investeringar innanfor sjølvkostområda, kor ei eventuell renteauke vil bli dekka av kommunens gebyrinntekter. Renteeksponert gjeld er den restgjelta som vil bli påverka av ei renteendring.



Netto renteeksponert gjeld i prosent av brutto driftsinntekter.




Som ein ser av tala over så har Sveio kommune låg renteeksponert gjeld i forhold til driftsinntektene når ein samanliknar med andre kommunar. Dette skyldast i stor grad at kommunens bankinskot er stort grunna mykje unytta lånemidlar og til dels stort disposisjonsfond. Utfrå Sveio kommunes økonomiske føresetnadar bør kommunen ha klårt lagare renteeksponert gjeld enn andre kommunar i landet. Rådmannen foreslår at Sveio kommune har som mål å ha netto renteeksponert gjeld som er lågare en 35 % av driftsinntektene. Med renteeksponert gjeld på 18,9 % av driftsinntektene er Sveio kommune per i dag klart innafor dette målet.

Disposisjonsfond

Disposisjonsfond er oppsparte midlar som fritt kan nyttast til finansiering av drifts- eller investeringsutgifter. Utfrå Sveio kommunes økonomiske føresetnadar bør kommunen ikke ha særleg lågare disposisjonsfond enn ein gjennomsnittskommune. Rådmannen foreslår at Sveio kommune har som mål å ha disposisjonsfond på minst 10 % av driftsinntektene.



Disposisjonsfond i prosent av driftsinntektene



Dei seinare års gode økonomiske resultat har gjort at Sveio kommune har stort disposisjonsfond i forhold til andre kommunar. I 2019 utgjorde disposisjonsfondet 19,5 % av kommunens driftsinntekter, noko som er godt over rådmannens forslag om disposisjonsfond på over 10 %.



Økonomiplan 2021-2024 – drift

Budsjettskjema drift

Økonomisk oversikt drift	Regnskap 2019	Budsjett 2020	Budsjett 2021	Budsjett 2022	Budsjett 2023	Budsjett 2024
1 Rammetilskudd	202 510 866	198 900 000	202 200 000	202 200 000	202 200 000	202 200 000
2 Inntekts og formueskatt	141 649 034	150 800 000	155 000 000	155 000 000	155 000 000	155 000 000
3 Eiendomsskatt	5 234 296	4 250 000	3 175 000	1 600 000	0	0
4 Andre skatteinntekter	0	0	0	0	0	0
5 Andre overføringer fra og tilskot fra staten	16 659 833	17 552 000	13 152 000	11 152 000	11 152 000	11 152 000
6 Overføringer og tilskot fra andre	79 539 030	60 776 032	65 343 976	65 343 976	65 343 976	65 343 976
7 Brukarbetalingar	14 884 470	15 533 772	14 678 970	14 678 970	14 678 970	14 678 970
8 Salgs- og leigeinntekter	35 774 552	37 865 763	40 947 744	40 947 744	40 947 744	40 947 744
9 Sum driftsinntekter	496 252 081	485 677 567	494 497 690	490 922 690	489 322 690	489 322 690
10 Lønnsutgifter	251 362 416	246 156 510	251 789 983	249 961 353	250 241 353	249 961 353
11 Sosiale utgifter	73 005 502	76 074 406	74 729 257	74 729 257	74 729 257	74 729 257
12 Kjøp av varer og tenester	124 607 032	123 074 814	125 752 095	125 952 095	125 952 095	125 952 095
13 Overføringer og tilskot til andre	30 538 976	21 593 927	22 776 755	22 776 755	22 776 755	22 776 755
14 Avskrivningar	21 183 998	21 000 000	21 000 000	21 000 000	21 000 000	21 000 000
15 Sum driftsutgifter	500 697 924	487 899 657	496 048 090	494 419 460	494 699 460	494 419 460
16 Brutto driftsresultat	-4 445 843	-2 222 090	-1 550 400	-3 496 770	-5 376 770	-5 096 770
17 Renteinntekter	6 427 283	4 350 000	2 150 000	2 150 000	2 150 000	2 150 000
18 Utbytter	10 742 586	9 500 000	9 400 000	9 400 000	9 400 000	9 400 000
19 Gevinstar og tap på finansielle omløpsmidlar	182 906	150 000	150 000	150 000	150 000	150 000
20 Renteutgifter	9 299 131	10 626 000	8 001 028	8 001 028	8 001 028	8 001 028
21 Avdrag på lån	19 499 995	19 310 000	20 700 000	20 700 000	20 700 000	20 700 000
22 Netto finansutgifter	-11 446 351	-15 936 000	-17 001 028	-17 001 028	-17 001 028	-17 001 028
23 Motpost avskrivningar	21 183 998	21 000 000	21 000 000	21 000 000	21 000 000	21 000 000
24 Netto driftsresultat	5 291 804	2 841 910	2 448 572	502 202	-1 377 798	-1 097 798
25 Overføring til investering	-6 172 840	-1 080 000	-1 100 000	-1 100 000	-1 100 000	-1 100 000
26 Netto avsetninger eller bruk av bundne driftsfond	1 117 224	2 304 416	751 574	0	0	0
27 Netto avsetninger eller bruk av disposisjonsfond	-6 742 931	-4 066 326	-2 100 146	597 798	2 477 798	2 197 798
28 Dekning av tidlegare års meirforbruk	0	0	0	0	0	0
29 Sum disponeringar eller dekning av netto driftsresultat	-11 798 547	-2 841 910	-2 448 572	-502 202	1 377 798	1 097 798
30 Fremført til inndekning i seinare år (meirforbruk)	-6 506 743	0	0	0	0	0



Bevilingsoversikt - drift	Regnskap 2019	Budsjett 2020	Budsjett 2021	Budsjett 2022	Budsjett 2023	Budsjett 2024
1 Rammetilskudd	202 510 866	198 900 000	202 200 000	202 200 000	202 200 000	202 200 000
2 Inntekts og formueskatt	141 649 034	150 800 000	155 000 000	155 000 000	155 000 000	155 000 000
3 Eiendomsskatt	5 234 296	4 250 000	3 175 000	1 600 000	0	0
4 Andre generelle driftsinntekter	16 633 833	17 200 000	12 800 000	10 800 000	10 800 000	10 800 000
5 Sum generelle driftsinntekter (Sum L1:L4)	366 028 029	371 150 000	373 175 000	369 600 000	368 000 000	368 000 000
6 Sum fordelt rammeområda	343 167 358	352 373 090	353 726 428	352 097 798	352 377 798	352 097 798
7 Avskrivninger	21 183 998	21 000 000	21 000 000	21 000 000	21 000 000	21 000 000
8 Sum netto driftsutgifter (Sum L6:L7)	364 351 356	373 373 090	374 726 428	373 097 798	373 377 798	373 097 798
9 Brutto driftsresultat	1 676 673	-2 223 090	-1 551 428	-3 497 798	-5 377 798	-5 097 798
10 Renteinntekter	6 421 505	4 350 000	2 150 000	2 150 000	2 150 000	2 150 000
11 Utbyter	10 742 586	9 500 000	9 400 000	9 400 000	9 400 000	9 400 000
12 Gevinstar og tap på finansielle omløpsmidlar	182 906	150 000	150 000	150 000	150 000	150 000
13 Renteutgifter	8 909 141	10 625 000	8 000 000	8 000 000	8 000 000	8 000 000
14 Avdrag på lån	19 499 995	19 310 000	20 700 000	20 700 000	20 700 000	20 700 000
15 Netto finansutgifter (Sum L10:L14)	-11 062 139	-15 935 000	-17 000 000	-17 000 000	-17 000 000	-17 000 000
16 Motpost avskrivninger	21 183 998	21 000 000	21 000 000	21 000 000	21 000 000	21 000 000
17 Netto driftsresultat	5 831 790	2 841 910	2 448 572	502 202	-1 377 798	-1 097 798
18 Overføring til investering	-6 172 840	-1 080 000	-1 100 000	-1 100 000	-1 100 000	-1 100 000
19 Netto avsetninger (-) til eller bruk (+) av bundne driftsfond	1 117 224	2 304 416	751 574	0	0	0
20 Netto avsetninger (-) til eller bruk (+) av disposisjonsfond	-6 742 931	-4 066 326	-2 100 146	597 798	2 477 798	2 197 798
21 Dekning av tidlegare års meirforbruk	5 966 742	0	0	0	0	0
22 Sum disponeringar eller dekning av netto driftsresultat (Sum L18:L21)	-5 831 805	-2 841 910	-2 448 572	-502 202	1 377 798	1 097 798
23 Fremført til inndeckning i seinare år (meirforbruk)		-15	0	0	0	0

Fordeling drift	Regnskap 2019	Budsjett 2020	Budsjett 2021	Budsjett 2022	Budsjett 2023	Budsjett 2024
Til fordeling drift						
9 Politisk	5 414 711	4 880 000	5 270 000	4 990 000	5 270 000	4 990 000
10 Sentraladministrasjon	22 596 361	24 700 000	23 570 000	23 570 000	23 570 000	23 570 000
11 Tilleggsloyvingar	0	5 500 000	5 480 000	5 480 000	5 480 000	5 480 000
12 Oppvekst - Skule	91 973 728	94 720 000	96 540 000	96 540 000	96 540 000	96 540 000
14 Tekniske tjenester	18 282 701	16 770 000	17 370 000	17 570 000	17 570 000	17 570 000
15 Kultur	7 691 371	8 265 000	8 285 000	8 285 000	8 285 000	8 285 000
16 Kyrkja	4 020 000	4 130 000	4 190 000	4 190 000	4 190 000	4 190 000
17 Oppvekst - Barnehage	23 803 144	24 260 000	24 720 000	24 720 000	24 720 000	24 720 000
18 VAR - vann, avløp og renovasjon	-5 899 986	-6 050 000	-6 400 000	-6 400 000	-6 400 000	-6 400 000
19 Finans	27 325 770	36 730 000	33 772 798	33 772 798	33 772 798	33 772 798
22 Ryvarden Kulturfyr KF	540 000	550 000	560 000	560 000	560 000	560 000
30 Helseavdeling med fellestenester	27 547 456	26 680 000	27 080 000	27 080 000	27 080 000	27 080 000
31 Pleie og omsorg	57 084 260	51 160 000	54 730 000	54 730 000	54 730 000	54 730 000
32 NAV med flyktningarbeid	16 334 853	15 112 563	11 480 000	11 480 000	11 480 000	11 480 000
33 Barnevern	11 135 093	11 307 437	13 480 000	13 480 000	13 480 000	13 480 000
34 Habilitering	33 529 520	31 670 000	32 050 000	32 050 000	32 050 000	32 050 000
Fordelt drift	341 378 982	350 385 000	352 177 798	352 097 798	352 377 798	352 097 798
Korreksjon netto avsetninger eller bruk av fond i drift	1 788 376	1 988 090	1 548 630	0	0	0
Korrigert til fordeling	343 167 358	352 373 090	353 726 428	352 097 798	352 377 798	352 097 798



Tabellen bevillingsoversikt – drift viser kor mykje ein kan fordela til den kommunale drifta.

Tabellen fordeling – drift visar fordeling av dei tilgjengelege midlane til dei ulike rammeområda i kommunen.

Inntekter

Sveio kommune er ein låginntekts-kommune. I 2019 hadde Sveio kommune ein skatteinngang på 77,5 % av landsgjennomsnittet. Kommunar med lågare skatteinngang enn landet blir gitt ein kompensasjon (inntektsutjamning) for dette. Etter kompensasjon for låg skatteinngang enda Sveio kommune opp med ein samla skatteinngang og inntektskompensasjon på 94,2 % av landsgjennomsnittet i 2019. For 2021 er det lagt til grunn at Sveio kommune vil ha ein skatteinngang på 80,0 % av landet. Dette er korrigert gjennomsnittleg skatteinngang siste tre år. Ved vurdering av inntektene for 2021 tek ein utgangspunkt i KS sin modell for inntektssystemet. Folketal per 1.1.2021 er grunnlaget for berekning av skatteinntekter og inntektsutjamning. I budsjett 2021 er det lagt til grunn folketal etter SSBs middelalternativ for framskriving av folketal.

Dei frie inntektene frå staten og skatteinngangen finansierar for ein stor del drifta av Sveio kommune. Dei frie inntektene frå staten består i hovudsak av innbyggjartilskot m/ utgiftsutjamning, veksttilskot, og skjønsmidlar. For Sveio sin del er det venta ei auke i dei frie inntektene inkludert skatteinngangen m/ inntektsutjamning i følgje regjeringa på 3,3 % frå budsjett 2020 til budsjett 2021. Skjønstilskotet frå Fylkesmannen blir på kr 2 800 000,- i 2021, ned frå kr 3 400 000,- i 2020.

I statsbudsjettet er det lagt opp til endringar i oppgåvefordelinga mellom kommunane og staten. Frå og med 1.11.2020 overtok skatteetaten ansvaret for skatteoppkrevjinga med tilhøyrande oppgåver. Sveio kommune blir trekt i om lag kr 300 000,- meir for dette, i forhold til kva kommunen sjølv har nytta på oppgåva. Frå og med 1.1.2021 overtek staten ansvaret for tilskot til andre trussamfunn. Sveio kommune blir trekt om lag kr 250 000,- meir for denne oppgåveendringa enn det kommunen har betalt ut i slik stønad.

Det er lagt til grunn ein auke i inntekter frå eigedomsskatt i 2021 på kr 400 000,- i forhold til opphavleg budsjett 2020. Innbyggjarane i Sveio kommune betalte i gjennomsnitt kr 1 102,- i eigedomsskatt i 2018. Gjennomsnittet i landet utanom Oslo var kr 2 738,- per innbyggjar, og kr 3 368,- per innbyggjar i kommunegruppe 11. Med inntekter frå eigedomsskatt på linje med landet utanom Oslo ville Sveio kommune hatt 9,4 millionar kroner høgare inntekter, med inntekter på nivå med kommunegruppa ville inntektene i Sveio vore 13,0 millionar høgare i 2018.

Det er lagt til grunn eit utbytte Haugaland Kraft AS på 9,4 millionar kroner i 2021, ned frå 9,5 millionar kroner i 2020. Auken er basert på same overskot i 2020 som i 2018 og same utbyttepolitikk som dei seinaste åra. Overskotet er korrigert for selskapets ekstraordinære gevinst ved sal av Gismarvik næringspark i 2018.



Det er lagt til grunn flyktningtilskot på kr 7,5 millionar i 2021, mot kr 13,9 millionar i opphavleg budsjett 2020. Det er knytt stor usikkerheit rundt talet på flyktningar kommunen kan rekna med å ta i mot dei komande åra, og dermed også rundt kor stort tilskot kommunen vil få. I 2018 fekk kommunen utbetalt om lag 13,5 millionar kroner frå Havbruksfondet, i 2019 fekk kommunen om lag 1,1 millionar kroner, i 2020 fekk kommunen om lag 12,6 millionar kroner og i 2021 er det lagt til grunn 4,0 millionar kroner i inntekter frå fondet. Dei tre siste åra i økonomiplanperioden er det lagt til grunn 2,0 millionar kroner frå fondet.

Utgifter

Utgiftsbehovet til Sveio kommune er berekna til å vera på 107,4 % i forhold til landsgjennomsnittet i 2021. Utgifter som grunnar i forskjellen i utgiftsbehov i forhold til resten av landet blir det gitt kompensasjon for gjennom utgiftsutjamning.

Det er lagt til grunn ei lånerente på 1,5 % i 2021 og ei innskotsrente på 0,6 %. Dette er etter rådmannen sitt syn ei realistisk forventning som det knyt seg til dels stor risiko til. Det er avgjerande for Sveio kommune å budsjettera med tilstrekkeleg høgt driftsresultat for å kunne handtera denne usikkerheita. Det er planlagd ein del store investeringar dei nærmaste åra. Det er viktig at driftskostnadane med investeringane leggast inn i økonomiplanen så snart dei er endeleg vedteke realisert. Det er også viktig at finanskostnadane (renter og avdrag) til investeringar som ikkje er heilt eller delvis finansiert blir lagt inn i økonomiplanen.

Vurdering

Det er rådd til at kommunane har eit netto driftsresultat i prosent av driftsinntektene på 1,75 %. Forutan 2019 har Sveio kommune dei siste 4 åra oppnådd eit netto driftsresultat godt i overkant av anbefalinga. For 2021 er det budsjettert med eit netto driftsresultat på 0,5 %, rådmannen vil arbeide hardt for å betre resultatet dei komande åra.



Økonomiplan 2021 - 2024 – investering

Budsjettskjema investering

Bevillingsoversyn investering	Regnskap 2019	Budsjett 2020	Budsjett 2021	Budsjett 2022	Budsjett 2023	Budsjett 2024
1 Investeringer i varige driftsmidler	93 380 764	38 995 000	26 650 000	76 790 000	22 950 000	8 900 000
2 Tilskot til andres inversteringer	53 678	0	0	0	0	0
3 Investeringar i aksjer o.l.	4 304 707	1 200 000	1 100 000	1 100 000	1 100 000	1 100 000
4 Utlån av eigne midlar	28 605	0	0	0	0	0
5 Avdrag på lån	1 100 470	0	0	0	0	0
6 Sum investeringsutgifter	98 868 224	40 195 000	27 750 000	77 890 000	24 050 000	10 000 000
7 Kompensasjon for meirverdiavgift	16 061 569	6 485 000	3 990 000	21 438 000	3 360 000	1 380 000
8 Tilskot frå andre	1 826 105	0	0	0	0	0
9 Sal av varige driftsmidlar	2 016 056	4 000 000	500 000	500 000	500 000	500 000
10 Sal av finansielle anleggsmidlar	0	0	0	0	0	0
11 Utdeling frå selskaper	0	0	0	0	0	0
12 Mottekne avdrag på utlån av eigne midlar	1 057 423	0	0	0	0	0
13 Bruk av lån	72 508 670	31 830 000	22 160 000	54 852 000	19 090 000	7 020 000
14 Sum investeringsinntekter	93 469 823	42 315 000	26 650 000	76 790 000	22 950 000	8 900 000
15 Vidareutlån	0	0	0	0	0	0
16 Bruk av lån til vidareutlån	0	0	0	0	0	0
17 Avdrag på lån til vidareutlån	0	0	0	0	0	0
18 Mottekne avdrag på vidareutlån	0	0	0	0	0	0
19 Netto utgifter vidareutlån	0	0	0	0	0	0
20 Overføring frå drift	6 172 840	1 080 000	1 100 000	1 100 000	1 100 000	1 100 000
21 Netto avsetningar (-) til eller bruk (+) av bundne investeringsfond	439 685	0	0	0	0	0
22 Netto avsetningar (-) til eller bruk (+) av ubundne investeringsfond	-1 480 311	-3 200 000	0	0	0	0
23 Dekning av tidlegare års udekka beløp	0	0	0	0	0	0
24 Sum overføring frå drift og netto avsetnadar	5 132 214	-2 120 000	1 100 000	1 100 000	1 100 000	1 100 000
25 Framført til inndekning i seinare år (udekka beløp)	266 187	0	0	0	0	0

Vidareutlån: Det er lagt opp til årleg vidareutlån av kr 4 000 000,- til startlån i perioden, det same som i 2020. Restmidlar frå 2020 og tidlegare år gjer at det ikkje er naudsynt med låneopptak til startlån for kommunen i 2021. Sveio kommunes praksis/retningslinjer for startlån tilseier at ein ikkje fullfinansierer bustadkjøp men bidrar med tilleggsfinansiering. Etter statens nye forskrift om bustadlån kan ikkje startlån reknast som eigenkapital når bankane vurdera lånekundane. Det er difor for tida relativt få som blir hjelpte inn på bustadmarknaden med startlån frå Sveio kommune.

Investeringar i aksjer o.l. /overføring frå drift: Som ein del av avtalen med KLP som pensjonsleverandør til kommunen, må Sveio årleg gå inn med eigenkapital. Storleiken på det årlege innskottet avheng av storleiken på kommunens pensjonsforpliktingar.

Avsetnadar/inntekter frå sal av anleggsmidlar: Det er lagt opp til sal av tomter for 0,5 millionar kroner i 2021. Det er også lagt opp til kjøp (tilbakekjøp) av tomter for kr 0,5 millionar kroner per år.



Bevillingsoversyn investering visar summen alle planlagde investeringar, avsetnadjar og finansieringa av desse. Investeringsoversynet spesifiserer alle investeringane i anleggsmiddel. Sjå rådmannens kommentarar for detaljar om enkelte investeringsprosjekt.

Investeringsoversyn	2021	2022	2023	2024	Kommentar
30100 LEIAR IKT					
31110 IKT	1 700 000	1 300 000	1 300 000	2 000 000	
30100 LEIAR IKT Totalt	1 700 000	1 300 000	1 300 000	2 000 000	
30200 LEIAR DRIFT OG ANLEGG					
30008 MINIGRAVER MED HENGER (KYRKJA))	600 000	0	0	0	
34238 DIV. GRUNNLAGSINVESTERINGAR	600 000	600 000	600 000	600 000	Ulike tiltak på kommunale eigedommar
34264 ASFALTERING	2 500 000	2 500 000	2 500 000	2 500 000	
34278 GRAVEMASKIN 7,5 TONN 2019	1 300 000	0	0	0	
34418 Regulering gang-/sykkelvei langs Fv 47 (2021)	400 000	0	0	0	Steinmasser frå badeanlegg
30200 LEIAR DRIFT OG ANLEGG Totalt	5 400 000	3 100 000	3 100 000	3 100 000	
30300 KOMMUNALSJEF TEKNISK					
33999 SALG/KJØP TOMTER	500 000	500 000	500 000	500 000	
30300 KOMMUNALSJEF TEKNISK Totalt	500 000	500 000	500 000	500 000	
30400 RÅDMANNEN					
30001 DIGITALISERING	800 000	500 000	500 000	500 000	
30400 RÅDMANNEN Totalt	800 000	500 000	500 000	500 000	
30500 LEIAR PLAN OG NÆRING					
30030 GEODATA	1 000 000	0	0	0	Kartlegging (omløpsfotografering ajourhald)
30500 LEIAR PLAN OG NÆRING Totalt	1 000 000	0	0	0	
30600 PROSJEKTLIAR 1					
30002 KOMMUNEHUSET, REHABILITERING GAMLE DEL	1 000 000	14 100 000	0	0	Eiga sak fremjast. Beløp tatt videre frå øk-plan
30009 EIKELAND KYRKJEGARD (2020)	2 000 000	2 500 000	0	0	Auka kapasitet
30502 Sveio Barnehage, 6 avdelingar	500 000	40 000 000	0	0	
32205 FØRDE SKULE OPPGRADERING (2020)33350	300 000	1 500 000	0	0	
34228 VALESTRAND OPPVEKSTSENTER (2023)	0	0	2 000 000	0	Innspill samla
35231 BUSTADFELT HÅVÅSEN 3	0	0	6 000 000	0	
34288 LYSLØYPE - MØLSTREVÅG TIL RYVARDEN (2021)	200 000	0	0	0	
30600 PROSJEKTLIAR 1 Totalt	4 000 000	58 100 000	8 000 000	0	



Investeringsoversyn	2021	2022	2023	2024	Kommentar
30700 PROSJEKTLEIAR 2					
30003 REHABILITERING KYRKJEBYGG	200 000	200 000	200 000	200 000	
30013 REHAB. 3 LEILIGHETER	200 000	300 000	300 000	300 000	
30506 KOMMUNALE LEKEPLASSER SIKKERHET	100 000	100 000	100 000	100 000	
32011 GOLVDEKKE/VARME SVALGANG VIKSE SKULE (2021)	400 000	0	0	0	
32015 Ventilasjonsanlegg Vikse skule (2021)	500 000	0	0	0	
32016 Arbeidsplass Vikse skule (2021)	0	0	600 000	0	
32017 Lydisolere rom Vikse skule (2021)	130 000	0	0	0	
32018 Vaskerom Vikse skule (2021)	120 000	0	0	0	
32019 Skifte vindu og fasade Vikse skule (2021)	0	440 000	0	0	
33312 Rehabilitering av kjøkken Solbakken (2021)	150 000	0	0	0	
33314 Heimetenesta - ombygging arbeidsplass (2021)	100 000	0	0	0	
34150 FELLESUTGIFTER KOMMUNALE BYGG - EL.TILSYN/ENERGIMERKING (2015)	200 000	200 000	200 000	200 000	
34275 TRAFIKKSIKRING	5 000 000	0	0	0	Vedtak KOM
34417 MINDRE TRAFIKKSIKRINGSTILTAK (2021)	500 000	500 000	500 000	500 000	Mindre TS tiltak
30700 PROSJEKTLEIAR 2 Totalt	7 600 000	1 740 000	1 900 000	1 300 000	
31000 KOMMUNALSJEF HELSE OG OMSORG					
33313 Digitale tilsyn (2021)	150 000	150 000	0	0	
31000 KOMMUNALSJEF HELSE OG OMSORG Totalt	150 000	150 000	0	0	
30210 VAR - LEIAR DRIFT OG ANLEGG					
30021 FUREVATN VANNB ANLEGG, FORPROSJEKT	4 000 000	8 000 000	0	0	Kostnad blir klårare når planlegging har komme lengre
30022 NY SJØLEDNING VESTVIKVÅGEN	0	700 000	0	0	
30025 REHAB. PA3 STEINARSTJØNN	0	0	2 000 000	0	Eksisterende pumpestasjon fra 1976
34025 SLAMTANK TITTELSNES (2023)	0	0	1 000 000	0	
34026 PLANLEGGING AV VASSLEIING TIL FLATNES (2021)	0	1 200 000	0	0	
34296 VANNLEDNING FJON (2019)	0	0	3 150 000	0	
35010 OPPGRADERING RØRNETT FRÅ 2018	1 500 000	1 500 000	1 500 000	1 500 000	
30210 VAR - LEIAR DRIFT OG ANLEGG Totalt	5 500 000	11 400 000	7 650 000	1 500 000	
Totalsum	26 650 000	76 790 000	22 950 000	8 900 000	



Kommunestyrets vedtak

[Dokument 20/16130 - Budsjett 2021, økonomiplan 2021-2024 - Sveio kommune](#)



Budsjett 2021 -
Kommunestyrets vedtak

Vedlegg

Vedlegg 1 - budsjett 2021 tal

Vedlegg 2 – Planoversyn – planoppgåver i perioden 2020-2023